



05889

嘉慶二年鑄

六

六

古香堂藏板

序

倉史之作昉於凌義渠論者稱爲幽艷然止兩卷而

已已崔塗山人嘗評者子有及之書而甄綜之廣爲二

百卷冊補水百卷分三十本再凡君干類首夫婦著

這端也終無佛志皈依也太西華草制度小而一名

物微言盡有必錄香麗瑰奇不適至纖至悉浩如

秋如以鄭樵子應麟之學行張以于文氏之文而義

渠不足言也是可傳已山人工詩工古文工長短句

當代名人論之詳矣予嘗見其羣書經眼錄經史子

集浩若煙海爲種一萬二千爲卷二十萬山人之涉

序

一

獵可謂廣矣而擷二十萬卷之精華爲等身之事業

雜著十七部識大識小靡不卓然可觀倉史其一也

山人之纂述可謂勤矣然而予之所以愛山人重山

人者不徒以其涉獵之廣纂述之勤也愛之以其人

重之以其品也山人賦性高閒煙霞泉石之嗜根於

生初讀書懷古人之風不求聞知於世爲諸生十九

年未嘗一入棘闈親故醜賤促之至金陵賃一驢一

僕遍遊靈谷棲霞牛首獻花巖祖堂諸名利而還矮

屋中人咸笑之由是家益貧樵蘇不爨歌聲出金石

始隱於鄉既而隱於京師既而隱於下位雖所歷之

境不同而其泊乎寡營不爲利疚之意無不同天懷
之澹定然也山人隱君子也予欲訪隱君子於名山
乃不意於風塵宦海中得之是殆古之所稱仙吏如
梅福其人者耶蓋江左固多奇士自三茅君主籍玉
晨其流風遺韻至今猶未盡泯也予是以亟亟焉羅
而致之幕下蒲團與共香火與共一時同人咸以奩
史爲風雅之宗請予爲序而校而刊之或云山人有
內記室博雅知書是編抄撮之功半出其手斯又粉
印青編之餘事也

嘉慶二年余月長白伊江阿書於珍珠泉上草堂

查史凡例

衛正叔作禮記集說云他人著書惟恐不出於己予則惟恐不出於人是編竊取正叔之義

撰述體例莫不善於六帖惟太平御覽玉海庶爲可法是編模範二書而通變之

是編凡若干類每類中又暗分細類先以類從次敘時代其初細類悉標細目今照日下舊聞之例刪去意在約束也

是編於諸書有可引者少無可引者多故所引之書三千種所檢之書不下萬種

凡例

一

羣書若正史通史別史雜史僞史經義類書說部書目書畫物譜詩話題跋詩詞文集選錄二氏九流雜著廣爲蒐羅用資博覽偶遇牴牾隨事考訂

援引羣書但嚴決擇不分界限經集少而子史多勢所必然卽僞書如天祿閣外史俗書如堅瓠集之類原不足錄間有一典半實從未見於他書者亦摘取之

稗官野記有其事不確而慧可解頤奇可醒世麗可爲詞章家之助者亦選用之

諸書記載錯出互異或兩者之或並證之或附注
之若書名雖別事跡則同則舉一而棄其餘亦
有云參用某書及其書同者以備典故附注
書之已佚不傳散見於他書所引者仍其原目存
書名也
是編以雅馴爲主凡鄙褻者庸陋者蕪雜者殺風
景者皆擯不錄

節義之事不能盡錄惟義生於情以委婉行其激
烈者方入此女世說之例

感幽之事多涉詭誕故搜神記酉陽雜俎夷堅志

凡例

二

之類所擇尤嚴稍近雅實者量摘之
事之熟者畧畧而不晦僻者詳詳而不繁辭約而
該旨微而顯庶無失乎古人遺意
有一事可入幾類者入於此不復入於彼

所採閨閣詩詞必有事可錄如唐人本事詩之類
則採無事者不採事可錄而詩詞不足採者錄
事不錄詩詞

名人著作及婦女之文每摘句以備典故偶有一
三名篇或全錄之歷代史體如是

舊史目錄

卷一 夫婦門一 夫婦

卷二 夫婦門二 夫

卷三 夫婦門三 妻

卷四 夫婦門四 喪妻 寡婦 附錄

卷五 婚姻門一 婚姻

卷六 婚姻門二 嫁娶

卷七 婚姻門三 媒 擇 緣

卷八 婚姻門四 婚禮 附錄

卷九 統系門一 后 太后 女主

目錄

卷十 統系門二 妃

卷十一 統系門三 內職 宮人

卷十二 統系門四 公主 駙馬 太子妃

王妃

卷十三 統系門五 外命婦 女冒男官 女

土官

卷十四 眷屬門一 母 保傅乳母 祖母諸

母外祖母

卷十五 眷屬門二 女 姪女孫女姪孫女外

孫女 女婿



卷十六 眷屬門三 姊妹姑

卷十七 眷屬門四 姑婦

卷十八 眷屬門五 娣姒姑嫂叔嫂弟婦 親

卷十九 妾婢門一 妾

卷二十 妾婢門二 婢

卷二十一 娼妓門一 妓上

卷二十二 娼妓門二 妓下

卷二十三 娼妓門三 妓居 妓家稱謂 娼

家魔術

目錄

二

卷二十四 娼妓門四 落籍 從良 出家

卷二十五 肢體門一 體

卷二十六 肢體門二 頭面屬

卷二十七 肢體門三 四肢上

卷二十八 肢體門四 四肢中

卷二十九 肢體門五 四肢下

卷三十 肢體門六 肌骨心魂類

卷三十一 肢體門七 汗淚類 附錄

卷三十二 容貌門一 容色

卷三十三 容貌門二 態度

卷三十四 容貌門三 舉止

卷三十五 容貌門四 肖形

卷三十六 性情門一 性情

卷三十七 性情門二 德

卷三十八 性情門三 凶德 不妬

卷三十九 性情門四 七情

卷四十 蠶織門 女工 蠶織

卷四十一 針線門 針線 教刺繡之變

卷四十二 井臼門 操作

卷四十三 文墨門一 學術 書籍 著作

目錄

卷四十四 文墨門二 詩

卷四十五 文墨門三 文

卷四十六 文墨門四 書法 鐫刻

卷四十七 文墨門五 畫

卷四十八 文墨門六 紙墨筆硯 印

卷四十九 幹畧門一 勇武_上

卷五十 幹畧門二 勇武_下

卷五十一 幹畧門三 武具

卷五十二 技藝門 技藝

卷五十三 音樂門一 音律

卷五十四 音樂門二 樂器

卷五十五 音樂門三 歌舞

卷五十六 姓名門 姓名

卷五十七 事爲門一 事爲

卷五十八 事爲門二 歲節

卷五十九 事爲門三 風懷

卷六十 誕育門 孕 孕之異 產 雙生

產之異 產儀

卷六十一 術業門 三姑六婆

卷六十二 衣裳門一 衣_上

目錄

四

卷六十三 衣裳門二 衣_下

卷六十四 衣裳門三 下服

卷六十五 冠帶門一 冠

卷六十六 冠帶門二 帶

卷六十七 襪履門 襪履

卷六十八 釵釧門一 首飾 插花

卷六十九 釵釧門二 耳環

卷七十 釵釧門三 臂環 指環

卷七十一 梳粧門一 梳 梳具

卷七十二 梳粧門二 沐 沐具

卷七十三 梳粧門三 粧 粧具

卷七十四 脂粉門 脂粉

卷七十五 宮室門一 宮室

卷七十六 宮室門二 居處 塚墓

卷七十七 牀第門 牀帳 被褥 席枕

卷七十八 飲食門一 飲食

卷七十九 飲食門二 飲

卷八十五 飲食門三 食

卷八十一 飲食門四 餚 食之異

卷八十二 飲食門五 菜 果 煙

目錄

五

卷八十三 飲食門六 藥

卷八十四 器用門一 器上

卷八十五 器用門二 器下

卷八十六 器用門三 舟車

卷八十七 綺羅門 綺羅

卷八十八 珠寶門一 珠玉

卷八十九 珠寶門二 金銀 錢財

卷九十一 蘭麝門一 香

卷九十二 蘭麝門二 香器

卷九十三 花木門一 花

奩史卷一

東吳王初桐于陽篡述

松江王昶述菴闕定

夫婦門一

夫婦

人皇兄弟九人別長九州離良地精之女出為之后

夫婦之道始此

洛書摘亡辟

遂皇氏始有夫婦之道

杜佑通典

轉軸為夫婦夢得轉軸夫婦之事也

夢書

北齊賦民之法一夫一婦曰一牀

借山隨筆

奩史卷一

子時面熟主夫婦和合

開元占經

俗稱夫婦之少年諧婚者曰結髮謂於髮初結起勝

冠笄之時即訂盟約也

天祿識餘

王安豐婦卿安豐安豐曰婦人卿壻禮為不敬婦曰

憐卿愛卿是以卿卿我不卿卿誰復卿卿

粧樓記

晉人夫婦相呼為卿王渾妻之卿卿此婦稱夫為卿

也山濤謂其妻曰我後當為三公但不知卿堪作夫

人否此夫稱婦為卿也

麋漏閒評

瓊嶠俗夫婦相稱以名

陳小厓外紀

以夫名妻左傳昭元年當武王邑姜方震太叔漢書

杜欽傳皇太后女弟司馬君力蘇林曰字君力爲司馬氏婦孔叢衛將軍文子之內子死復者曰臯媚女復子思聞之曰此女氏之字非夫氏之名也婦人於夫氏以姓氏稱禮也

日知錄

古人有以夫名妻漢楊彪夫人袁氏荅曹公下夫人

書曰彪袁氏頓首頓首

因樹屋書影

朱博夜寢早起妻罕見其面

漢書

樊英有疾妻使婢拜問英下牀荅拜陳實怪問之英

曰妻者齊也供奉祭祀禮無不荅

樊英別傳

仇覽燕居必以禮自整妻子有過免冠自責妻子庭

奩史卷一

二

謝覽冠乃敢入堂

後漢書

顧愷待妻有禮嘗疾篤妻出省之愷令左右扶起冠

幘加襲趣令妻還

吳書及吾師錄同

何曾閨門整肅每見妻必正衣冠自坐面南妻坐面

北上酒酬酢既畢而退一歲不過再三

晉書

薛昌緒與妻相見必先命女僕通傳往來數四然後

秉燭造室茶果而退或欲詣房幃其禮亦然

玉堂閒話

魏朗舉動有禮室家相待如賓

後漢書

常林帶經而鋤其妻餽之雖在田野相敬如賓

魏畧

龐德公躬耕田里夫妻相待如賓

襄陽耆舊傳

五代葛從簡聞許州富人有玉帶遣二卒殺而取之
卒夜入其家隱木間見其夫婦相待如賓二卒感嘆
因躍出告之使其速以帶獻懸笥項探

劉元素內子朱賢而善事其夫相敬如賓竹坡詩話

鄭氏允端字正淑姿稟秀慧尤善詩歌歸施伯仁相

敬待如賓客肅離集

楊虔州妻李氏有德無容楊敬待特甚本事詩

梁鴻妻孟光爲鴻具食不敢仰視舉案齊眉東觀漢記

沈義道學於蜀中夫婦同心出入共載紀纂淵海

陶潛妻翟氏能安苦節與潛同志趣夫耕於前婦鋤

舊史卷一

三

於後昭明太子集

宗炳妻羅氏亦有高情與炳協趣晉書

孫晷娶盧氏女棄華尚素與晷同志淵鑑類函

沈逸人婦金睿貞賢而才蔬食菜羹朝夕不瞻欣欣

如也逸人雖隱居陋巷門外不絕貴人車馬一日有

客懷百金託逸人居間睿貞從屏內竊窺之不悅逸

人苦謝客退逸人入告睿貞睿貞撫掌曰是吾心也

戊辰雜抄

賈娉娉字雲華魏鵬妻也有唱隨集凝齋筆談

龐蕙纒字紉芳一字小晚工詩歸吳閭瑋偕隱泉石

賦詩自娛麗有句云常同做帖凌晨起每伴叢詩午夜眠唱隨之樂可想見矣

唾香閣集

吳聞璋借龐蕙纒夫人葺藤花書屋晨夕倡和於內環碧齋小言

吳榴閣字允宜賦性幽閒能詩詞工書畫適姑表兄

方雲駿彼唱此隨一時羨之

居室記

姜桐音婦神氏名岌英賢有文章每與姜倡和或姜

遠游則必以詩相問訊有靜好集

今世說

楚莊王使使賫金百斤聘北郭先生先生入謂婦曰楚欲以我爲相今日相則結駟列騎食方丈於前如

奩史卷一

四

何婦曰結駟列騎所安不過容膝食方丈於前所甘不過一肉以容膝之安一肉之味而殉楚國之憂其

可乎於是遂不應聘與婦去之

韓詩外傳

老萊耕蒙山之下楚王請以爲輔其妻負畚從田間

來曰何車跡之衆也老萊具言之妻曰妾聞可啖以

酒肉者可隨以鞭朴可餌以官祿者可繼以斧鉞妾

不能爲人所制投其畚而去老萊從之

列女傳

狂接輿楚人也楚王聘之接輿笑而不應妻曰不如

去之夫妻變姓名莫知所之

高士傳

楚狂妻與夫偕隱有賢名左芬著楚狂妻贊

玉臺文苑

陳仲子欲居齊其妻止之曰孰於就利者必先冷羶於附名者必先淡雞鶩之爲天下賤者恆見也威鳳之爲天下貴者不恆見也今子無過人之才而不創過人之事子行躓矣遂與仲子灌園齊野女世說
長白山陳仲子夫妻偕隱處長白山錄

祝牧與其妻偕隱作歌云天下有道我黻子佩天下無道我負子戴琴清英

蘭巖有雙鶴晨必接翮夕輒偶影傳云昔有夫婦隱此數百歲化爲此鶴神境記

梁鴻將妻之霸陵山中耕耘織作以供衣食彈琴誦

奩史卷一

五

詩以娛其志東觀漢記

卞彬自稱下田居婦爲傅蠶室南齊書

承宮將妻之華陰山谷耕種太平御覽

崔觀隱南山夫婦林泉相對以嘯咏自娛唐書

大賢圖贊唐李渤撰夫婦偕隱者六人國史經籍志

趙蕤夫婦俱有隱操長短經序

楊處士朴夫婦偕隱朴詩有云隨著四婆裙子後四

婆處士配蘇嶠家有處士夫妻像野逸如生渭南集

楊通老移居圖有細君抱兒騎牛者卽四婆也後村集

王迪棄官與妻隱去劉純臣贈詩有藍田夫婦總登

真之句後不知所終 復齋漫錄

蔡州有文秀才夫婦同處不知其甲子者舊見之約

八九十年矣容貌常似五十許人一日挈其妻潛去

莫知所適 西齋話說

陶處士隱西溪夫耕婦織有水竹田桑之樂 西溪梵隱志

于本大夫婦偕隱西山下妻作詩云醉舞狂歌踏落

花綠羅裙帶有丹砂往來城市買山藥那箇西山是

我家 宮闈詩史

許大夫婦隱於西山不欲人識改姓曰于夫婦皆解

詩許詩云不是藏名混世俗賣柴沽酒貴忘言妻續

奩史卷一

六

云兒家祇在西山裏除却白雲誰到門 香案牘

周逸之夫婦偕隱鈔撮巨門廣牘刊行 靜志居詩話

趙凡夫與其妻陸卿子偕隱寒山卿子工於詞章翰

墨流布一時名聲藉甚以為高人逸妻如靈真伴侶

不可梯接 經義考

朱盛藻字瓊蕤黃州楚宗女常作灌春逸尙序 形管新編

番禺隱士王準結潔廬於西山之麓夫人潘氏通史

漢諸書樂貧偕隱字之曰孟齋 五色線

湖陽郭氏貞順與其夫周伯玉卜築偕隱壽一百二

十五歲 觚臚

元微之初娶韋氏字蕙蕞繼娶裴氏字柔之二夫人俱有才思多唱和時彥以爲閨房之美

玉臺清照

郭汾陽有女曰清明君有殊色喜讀離騷古陶謝詩手自批注閨房中以小室祀舜二妃配饗以魯其伯之母黔婁之妻春秋祭之以文其高閒如此汾陽王難其配以李公子兩京賦示之清明君慨然嘆息曰可矣旣歸李卽以黃金千筋爲公子置妾數百以任恣討於是四方有奇女子以詩名顯者搜訪殆盡其中曰織纖曰白娟曰鶯翻曰春蕙曰紅草曰暈兒曰綠絲曰碎桃皆骨柔氣清熟於古文奇字而織纖善

奩史卷一

七

箏白娟善歌春蕙善鑿古器善笙紅草善彈鳥善鼓琴暈兒善嘯綠絲碎桃善種花花經二人手無不活又善騎馬鶯翻善丹青善舞公子樂之以酒酒必以詩詩成諸美人起而和歌歌無雜聲清明君每候山果新熟則遣美人捧進公子或書史有奇事可讀者以綵線識之則遣美人捧進公子或成新篇或偶得一二佳句不忍獨賞則遣美人捧進公子故美人人人得親公子也而清明君當其酒半嘗乘紫帷小車臨焉公子率織纖以下短謳長飲彈箏鼓瑟次第上壽酒已則各以平日所賦詩獻清明君焚香緩坐細

加品題稍不安者爲改點數字每點一字輒以一觴
罰公子曰君深於詩者也不爲美人更之乃含糊作
影子過耶是必容香火情美人皆笑曰善誠如夫人
言遂連罰數觴公子竟辭矣或言公子乃於陵陳仲
子後身清明君卽向時辟纁夫人也其後夫婦入山
修道不知所終 李公子傳

常修畧曉文墨妻關氏與修讀書習二十餘年修才
學優博名冠流輩 女世說補

王元家貧嗜風月妻黃氏亦喜親筆硯與元共持雅
操每中夜得句黃氏必先起然燭供具紙筆元甚重

奩史卷一

八

之好事者畫爲圖

郡閣雅談

史炎玉好學嫻文嫁爲張祺配祺亦有才與炎玉唱

酬成集題曰和鳴

眉山志

歐陽修謂梅聖俞妻謝氏爲閨中之益友

裨史彙編

和幼文美風采夫人商亦有令儀閨門唱隨鄉堂有

金童玉女之目

靜志居詩話

屈安人韓汝慶之妻生十餘歲其父課諸兒讀經史

安人刺繡其旁竊聽背誦通曉意義及歸汝慶詩文

倡和稱雙璧焉

學稼餘譚

蔡琬字季玉高文良繼室封一品夫人無書不讀諳

於政治文良奏疏每與商酌定稟

秋槩錄

李正芳字珠僊史蕉飲之配也焚香浴硯紅惚之韻
事偏多脫珥收書畫閣之良朋獨好

林蕙堂集

高陽氏有同產而爲夫婦者相抱而死七年男女皆

活同頸三頭四足是爲蒙雙民

博物志

韓憑妻何氏美宋康王奪之妻密遺憑書曰其兩淫
涇河大水深日出當心王得其書以示左右蘇賀對
曰其兩淫淫愁且思也河大水深不得往來也日出
當心有死志也俄而憑自殺妻陰腐其衣王與之登
臺妻遂投臺左右攬之衣不中手而死遺書於帶曰

奩史卷一

九

王利其生妾利其死願以屍骨賜憑合葬王怒弗聽
使里人埋之塚相望也王曰爾夫婦相愛不已若能
使冢合則吾弗阻也宿昔之間便有大梓木生於二
冢之端旬而大盈抱屈體相就根交於下枝錯於上
又有鴛鴦雌雄各一恆棲樹上晨夕不去交頸悲鳴
音聲感人宋人哀之號其木曰相思樹謂此禽卽韓
憑夫婦之魂

彤管集

海鹽陸東美妻朱氏有容止夫妻相重寸步不離時
人號爲比肩人後妻卒東美不食而死家人哀之乃
合葬未一歲家上生梓樹二身相抱而爲一樹孫權

封其墓曰比肩墓其子宏與妻張氏亦相愛慕吳人
又呼爲小比肩 三吳記

摩鄧女先世與阿難爲夫婦甚愛敬 摩鄧女經

石尤風者傳聞爲石氏女嫁爲尤郎婦情好甚篤尤
爲商遠行妻阻之不從尤出不歸妻憶之病亡臨亡
長嘆曰吾恨不能阻其行以至於此今凡有商旅遠
行吾當作大風爲天下婦人阻之自後商旅發船值
打頭逆風則曰此石尤風也遂止不行婦人以夫姓
爲名故曰石尤遇此風者密書我爲石娘喚尤郎歸
也須放我舟行十四字投水中風卽止 江湖紀聞

奩史卷一

十

張敞爲婦畫眉帝知而問之敞曰閨房之內夫婦之
私更有過於此者 漢世說

裴澤妻魏氏與澤恩好甚隆不能暫相離澤每從駕

其妻不宿亦至 北史

何瑀尙武帝少女豫章公主諱次男公主美容色聰

敏有智與瑀情愛隆密 宋書

封夫人諱絢字景文善草隸工文章嫺黨號爲淑女

歸殿秘校咸通庚子爲賊所俘賊酋觀夫人之麗將

逼之夫人奮袂大罵遂遇害酋去秘校來歸侍婢迎

門曰夫人逝矣秘校拊膺失聲而前枕屍於股大慟

良久揮淚於夫人面曰景文景文卽相見遂長號而

絕三婢子亦相攜投井死

三水小牘

趙子昂嘗欲置妾以小詞調管夫人云我爲學士你做夫人豈不聞陶學士有桃葉桃根蘇學士有朝雲暮雲我便多娶幾箇吳姬越女無過分你年紀已過四旬只管占住玉堂春夫人答云你儂我儂忒煞情多情多處熱似火把一塊泥捻一箇你塑一箇我將咱兩個一齊打破用水調和再捻一箇你再塑一箇我我泥中有你你泥中有我我你生同一個翁死同一個榔子昂得詞大笑而止

本事詩

奩史卷一

十一

商景蘭字媚生祁彪佳之配伉儷相重未嘗有妾媵也夫人教其二子理孫班孫三女德淵德瓊德藍及子婦張德蕙朱德蓉葡萄之樹芍藥之花題詠幾遍經梅市者望若十二瑤臺焉

靜志居詩話

世謂滴血驗骨惟父子祖孫爲然按郡國志孟姜適范植僅三日植赴役長城姜送寒衣至城下植已死姜尋夫骨無辨嚙指血驗得之是夫婦亦可滴血也

天香樓偶得

司馬相如將聘茂陵女爲妾文君作白頭吟云淒淒重淒淒嫁娶不須題願得同心人白頭不相離相如

感之乃不聘 樂府解題

張歧欲娶妾其妻曰子誦白頭吟妾當聽之歧慙而

止 叙小志

宣州有軍士家惟夫婦一日夫自外旋求水沐浴換

新衣坐繩牀終妻見之不哭但曰君死耶亦沐浴易

衣與夫對坐而終 培壘居雜錄

俞汝尚致仕後謂妻黃氏曰人生七十者希吾與夫

人皆過之可行矣妻應曰然則我先去先汝尚十日

卒 廣快書

尤時亨與妻耿夫人同年月日生同年月日死 述祖德詩

奩史卷一

三

陳元一夫婦華髮偕老無旦夕之分攜 述初堂文集

元微之自會稽拜尚書右丞到京未踰月出鎮武昌

裴夫人柔之難之曰歲杪到家鄉先春又赴任微之

贈詩云碧幢還照曜紅粉莫咨嗟嫁得浮雲瑁相隨

卽是家柔之荅之曰候門初擁節御苑柳絲新不是

悲殊命惟愁別近親 唐詩紀事

周渭以南漢不道脫身奔宋不暇與妻莫荃訣時荃

年少父母欲嫁之荃泣誓曰渠非久困者今飄然鴻

舉不咽分岐必能梯霄而出也遂親蠶春以給朝夕

及宋師平南漢凡二十五年復見渭 女世說

三山曾陟館陳氏七載思鄉苦切有道人剪紙爲馬
令合眼上馬祝曰汝歸毋久留須臾到家門戶如舊
妻令人浴易新衣陟曰我便去妻曰纔歸便去何不
念父母妻子乎陟便上馬而行忽身在書館中隨身
衣皆新製者道人亦不見

開懸括異志
高林

楊億別家十餘年鄉人傳已死其妻自河北迎喪會
億送客馬上見夫人麤纒類其妻也睇眦不已妻亦
如之詰之則是也相持而哭

開中新錄

晁采春日送夫之長安將行晁氏慘然動容曰天涯
俄頃得無悲乎

形管遺編

奩史卷一

三

蕭鳳質之夫游學在外屬小疾鳳質爲書寄之有云
聞不安恨東西相隔妾職有所不能盡徒涕泣懷念
而已

海鷗居日識

司馬相如初與文君還成都居貧愁懣以所著鸚鵡
裘就市賣酒與文君歡

史記

有周雙噴者貧而好道夫婦夜耕

裴啓語林

吳遠夫妻居貧家徒四壁立冬無被袴晝則傭賃夜
則伐木燒磚妻無懈倦

南史

山濤未仕時妻韓氏相與共忍饑寒

六朝博議

丁時習妻危氏與夫同甘苦未嘗以貧故見色

貧士傳

申屠氏美而豔十歲能屬文慕孟光名希光年二十
父以適學官弟子董昌臨行作留別詩曰女伴門前
望風帆不可留岸鳴蕉葉雨江醉蓼花秋百歲身爲
累孤雲世共浮淚隨流水去一夜到閩州入門絕不
復吟食貧作苦宴如也

女世說

劉凝妻郭氏能安貧夫婦隱於衡山終身不返

何氏語林

舒梓溪夫婦食貧歲暮內子持筐出屋傍澗中漉蝦

子歸復持瓶向隣家借酒與先生對酌

海幢小品

王公淵娶諸葛誕女入室言語始交王謂婦曰新婦
神色卑下殊不似公休婦曰大丈夫不能彷彿彥雲

奩史卷一

一

而令婦女比蹤豪傑

世說新語

張祜苦吟妻喚不應以責祜祜曰吾方口齒生花豈

惜汝輩

白氏金鎖

彭汝礪妻甯氏熙寧中復納宋養明宋氏有姿色彭

委順不暇典九江病革索筆書曰宿世冤家五年夫

婦從今而後不打這鼓投筆而逝

畫墁錄

丁少詹與妻有違言棄家居茶寮日買海物放生人

不歸妻求徐舍人解之徐許諾見賣老婆牙者買以

餉丁作詞曰茶寮山下一頭陀新來學得麼螞蟬螻

蟹與烏螺知他放幾多有一物似蜂窠姓牙名老婆

雖然無奈得他何如何放得他丁大笑而歸廣諧史

胡長粲性好內有一侍婢其妻王驕妬手刺殺之爲此忿恨數年不相見親裴爲之語曰自我不見於今

三年後納妾李氏仍與王氏別宅北史

御史大夫也先帖木兒與夫人不睦已數年矣翰林學士承旨死大夫遣司馬往唁之及歸問其所以司馬云承旨帶罽罽娘子十有五人皆務爭奪家財全無哀戚之情惟正室坐守靈幃哭泣不已大夫默然是夜遂與夫人同寢歡愛如初輟耕錄

駙馬王士平與義陽公主反目蔡南史播爲樂曲號

奩史卷一

五

義陽子有團雪散雲之歌唐國史補

祖無擇晚娶徐氏有姿色議親之日徐氏必欲訾相其人而無擇貌寢恐不得當也同舍馮當世丰姿秀美乃諭媒灼埃馮經過徐居曰此祖學士也徐竊窺甚喜成婚始悟其非竟反目高齋詩話

姜適遇婦人顏色絕代語適曰吾來爲汝家婦適云吾納室矣婦曰願爲妾御適以空屋處之逾年有道人造舍語適曰此劍仙也與夫反目易形外避其夫訪於天下今將迹至君家殺此婦并及君吾來救君耳是夜三鼓見二劍自空飛入盤旋於適頭之前後

天將曉忽聞喝聲啓視有人首在地道人曰可賀矣
忽俱不見婦人亦去

玉照新志

趙明誠妻李氏能文詞號易安居士明誠卒易安再
適張汝舟旣而反目有啓與棊處厚云猥以桑榆之
晚景配茲駟獐之下才見者笑之

香臺集

榮昌公主與駙馬楊春元反目神廟甚怒陳矩奏曰
此閨壺小事不宜上動聖怒

酌中志畧

孫真人有黃昏散夫妻反目服之必和又名合歡張
叔良製以爲丸贈姜窈窕窈窕不服佩之裙裾香氣

異常

瑯嬛記

奩史卷一

六

樂府有邯鄲才人嫁爲廝養卒婦篇考楚漢春秋趙
王武臣爲燕軍所獲囚於燕獄趙有廝養卒以利害
說燕燕以爲然乃歸趙王廝養卒御王以歸王以美
人妻養卒以報之是其事也

報古今

國香荆渚田氏侍兒也山谷留守荊州時所居與此
女爲隣山谷偶見之以爲幽閒姝美目所未覩後其
家以嫁下里貧民夫甚庸俗非其偶也山谷因賦水
仙花寓意云淤泥解出自蓮藕糞壤能開黃玉花可
惜國香天不管隨緣流落野人家後數年此女生二
子矣會歲荒其夫鬻於田氏憔悴頓挫無復故態然

猶有餘妍

能改齋漫錄參用墨莊漫錄又見支頤集

朱淑真錢塘下里人才色清麗嫁爲市井民妻因所

偶非倫弗遂素志賦斷腸集十卷以自解

斷腸集吳焯曰斷

腸集魏恭仲輯鄭元佐加注分爲十卷刊行今失之世所傳二卷田藝衡序者繆也

怨婦不知其姓旣笄受幣於姨兄馬生父沒繼母渝

約改適母之族兄老而猥惡馬作詩貽婦婦荅之曰

金丸打折鶻禽翼利刃偏傷連理枝自古一牀無兩

好如今方信昔人詩

翰府名談

徐瑤從王建入蜀獲士人李希妻俞氏有色瑤逼之

俞氏曰吾夫常爲鄉貢進士風流儒雅人比之相如

奩兒卷一

我尙以爲非匹若健兒耳乃思辱我耶

女世說

朱靜菴以所配非偶形諸吟咏其籬落見梅詩云可

憐不遇知音賞零落殘香對野人

林下詩談

徐氏嫁俞氏紈袴兒也合卺之夕傅姆甚之曰郎君

須屬對句而就寢徐指二硯屬句曰點點楊花入硯

池近朱者赤近墨者黑俞縮瑟不能成句徐笑曰何

不云雙雙燕子飛簾幙同聲相應同氣相求自後抱

恨時形筆墨其孀林氏詒書勸勉徐與之往復纏綿

惻愴爲人所傳

宋王莆陽二婦傳

德清蔡氏召乩仙題曰誰云富貴卽爲良想到癡肥

欲斷腸薄命紅顏今已矣泉臺應愛讀書香後寫茗
溪十景塘明霞題好事者尋至某處果有石碑題才
女明霞之墓蓋明季某太守之女死葬於此詳味其
詩必所配非偶抱恨而終者也

述異記

鄧氏女嫁鄒氏夫不類女鬱鬱不自得發爲詩詞語
多淒怨居二年竟以怨死有句云啼鳥落花春已暮
孤燈殘雨夜偏長

彤管新編

周綺生爲松陵一元氏者負之而趨綺生敝衣毀容
重自摧廢晨夕炷香佛前祈死時作小詞寓意一元
氏以五七言回環讀之迄不能句綺生乃開顏一笑

舊史卷一

六

也無何悒鬱而死嘗有句云侍兒不解春愁報道杏
花零落知者咸傷之

靜志居詩話

顏芳在之妹宛在適吳興貴公子蠢愚忿忌每出則
鍵宛在於深閨庭涼月皓徑暖花芳不許一至吟玩
宛在以茗中人呼之結褵而後竟不聊生憔悴經年
遂至奄逝

婦人集

昧娘姓易氏居松陵之舜水鎮美姿容善書畫吟咏
父母愛之明甲申歲兵入松陵昧從父母走僻巷中
舜水廬室悉爲灰燼亂定父歸葺故廬昧從女奴曰
問香往依其姑於午溪姑字倩娘夫死無子甚愛昧

娘視若子也。有潘生者與倩相悅。問香稍知之。以告
睐。睐嘿不應。倩之家有一園。名隔夢景。頗幽勝。倩邀
睐往遊。挈睐至薔薇架下。瞥然一聲。片花亂落。有細
彩流蘇貫相思子。綴以同心鳳凰結。雜花而墜。中睐
之右肩。睐驚愕。隔花望見潘生。凝睇於睐。睐頰顏不
憚。一日。睐娘叠紅箋作細字集唐句。成一絕云。蚤是
傷春夢。雨天鶯啼燕語。報新年東風。不道珠簾隔引
出幽香。落外邊。葢隱刺倩事。書畢。倩娘至。睐急取置
鏡臺鎖榻內。而尾紙半露。倩出讀之。納於衫袖。而出
適遇生於梧桐軒下。倩出箋授生。生展視。乃絕句後

奩史卷一

七

有畫奴戲草四楷書。倩曰。畫奴是睐娘小字。紅箋是
潘郎良媒也。後累日。問香攜班竹鎖絲籃。置畫金
小方奩。進曰。倩娘以爲睐。午茶開奩視之。乃石榴子
二盒。金柑四蒂。果盡文錦尺幅。密緘重重。發緘而觀
則潘生詩也。睐起立。碎紙擲地。遂往見倩曰。姪以釋
年托命於姑姑。不訓之以德。而假道於不令之生。傳
以褻詞。實敗令名。請從此辭。時舜水已成。小築睐之
父母迎睐歸閨。歲餘。倩至。睐父母家爲睐議姻。極口
潘生之才。而諱其貧。睐父母擇吉。贅生於家。乃隔夢
園所見人也。睐大號慟絕。而後甦。惟曰。倩娘誤我父

母再四掬解然伉儷之際非其本情肩嫵間鎖愁駐
恨如不勝致居二年生挈睽以歸生之父母窮悍極
虐素知睽之不禮生爲盛怒以待睽睽拜方畢含啼
入室竟不聊生生以不給家食爲硯耕之謀復隙窺
館之隣女見黜其主睽愈不禮生人大慍睽叱詈之
聲達於庭戶睽支頤語生曰薄命之薄銜寃可知狂
童之狂負心若此何鬢何肩無恥無禮我死爲鬼爾
生尙能爲人乎語未竟鞭楚亂下散髮蒙面流血被
肩睽曰命盡此矣夜令問香於故篋中取愁鹽一卷
詩詞若干首及綠牒小寫百葉皆幼時所畫花鳥粉

奮史卷一

三

本悉焚之火乃裂帛和淚爲書授問香曰遲明汝爲
吾送易氏爹娘及晨睽父母得書憤駭長慟而至則
睽已縊於前軒矣年纔二十四歲 風牘

漢末廬江小吏焦仲卿妻劉氏爲仲卿母所遣自誓
不嫁其家逼之乃投水而死仲卿聞之亦自縊於庭
樹時人傷之爲賦仲卿妻詩以敘其事 詩紀

商陵牧子娶妻五年無子父母欲其改娶其妻聞之
中夜悲嘯牧子感之而作別鶴操 崔豹古今注

王獻之娶郗曇女名道茂後離婚 王氏家譜

崔涯妻雍氏乃雍祕校之女夫嬖相歡而涯不禮其

妻父妻父不平之奪其女爲尼涯不得已爲詩留別
云隴上泉流隴下分斷腸嗚咽不堪聞嫦娥一入月中
去巫峽千秋空白雲

唐詩紀事

王彥齡妻舒氏工篇翰彥齡失禮於婦翁翁怒邀其
女歸竟至離絕女在父家偶獨行池上懷其夫作點
絳唇詞云獨自臨池悶來強把闌干凭舊愁新恨耗
却年時興鷺散魚潛煙斂風初定波心靜照人如鏡
少箇年時影

巨堅支志

陸務觀初娶唐氏於其母夫人爲姑姪伉儷相得而
弗獲於姑遂出之唐氏後改適趙士程嘗以春日出

奩兒卷一

三

游相遇於禹蹟寺南之沈氏園唐以語趙遣致酒餼
翁悵然久之爲賦釵頭鳳一詞題園壁間云紅酥手
黃藤酒滿城春色官牆柳東風惡歡情薄一懷愁緒
幾年離索錯錯錯春如舊人空瘦淚痕紅浥鮫綃透
桃花落閒池閣山盟雖在錦書難托莫莫實紹興
乙亥歲也翁居鑑湖之三山晚歲每入城必登寺眺
望不能勝情嘗賦二絕句云夢斷香銷四十年沈園
花老不飛綿此身行作稽山土猶弔遺蹤一惘然又
云城上斜陽畫角哀沈園無復舊池臺傷心橋下春
波綠曾是鶯鶯照影來

齊東野語

蘇州某官娶一婦始以金屋貯之既而離異松陵吳
慎思爲賦鳳求凰變四絕

中吳紀聞

曹侍郎詠妻厲碩人始嫁曹秀才與夫離異更適詠
詠以秦檜媚黨驟擢顯官元夕張燈曹秀才攜母來
觀見厲服用精麗供侍尊嚴嘆謂其母曰渠合此中
居享吾家豈能留後檜俎詠貶新州而亡二子蕩產
至不給朝脯儻居親舊厲過故夫曹秀才家門庭整
潔顧老婢曰吾當時能安此豈有今日因泣數行下
二十年間夫妻更相悔羨

延休堂漫錄

黃昌妻遇賊被掠轉入蜀爲人妻後昌爲蜀郡守其

奩史卷一

三

妻因治事至於府中昌以不類蜀人問其由妻曰妾
本會稽黃昌妻遭亂入蜀昌左足下有黑子昌出足
示之相持悲泣乃還爲夫妻

後漢書

龐林娶習顯妹魏武破荊州習氏與林分隔守養弱
女十有餘年後林隨黃權降魏始復集聚文帝賢之
賜牀帳衣服顯其節義

女世說

李繁姊先適陳說生四子遭亂賊掠去說更娶嚴生

子暉繁後得姊歸說說籍注二妻

晉書

張讜妻皇甫氏被掠賜中官爲婢皇甫遂詐癡不能
梳沐後讜爲宋長史因貨絹千餘疋購求皇甫文成

怪其納財之多引見之時皇甫年已六十矣皇甫歸

讜令諸妾境上奉迎北史

侯景寇亂徐孝克養母饑粥不給妻臧氏有色孝克

欲令改適以濟母乏臧氏弗許時景將孔景行多予

孝克穀帛逼迎之臧氏涕泣去然猶深念舊恩數私

餉孝克母後景行戰死臧氏伺孝克途中累日乃見

謂曰往日之事非為相負今既得脫當歸供養遂更

為夫婦百泉子緒論

李德武妻裴氏以孝聞鄉黨德武坐事徙嶺南時嫁

方踰歲父矩表離婚德武謂裴曰我方貶無還理君

奩史卷一

三

必儻他族於此長決矣荅曰夫天也可背乎願死無

他後十年德武未還矩決欲嫁之裴斷髮不食矩知

不能奪聽之德武娶爾朱氏赦還聞裴全節乃遣後

妻與裴為夫婦如初六帖

陳太子舍人徐德言尚樂昌公主陳政衰德言謂主

曰以君之才容國亡必入豪家倘情緣未斷猶期再

見乃破一鏡人執其半約他日以正月望日賣於都

市及陳亡主果歸楊素德言訪於都市有蒼頭賣半

鏡者大高其價德言引至旅邸言其故出半鏡以合

之仍題詩曰鏡與人俱去鏡歸人未歸無復姮娥影

空留明月輝。玉得詩悲泣。不食素知之。召德言至還。

其妻 古今詩話

元和中某糾被剽止逆旅時裴晉公微服出遊偶至店詰之告以故且言某將娶遭郡牧強以致之獻於上相裴公矣裴曰子室何姓氏荅曰姓某字黃娥裴曰某卽晉公親校也試爲子偵至晚忽有赭衣吏詣店稱令公召糾倉卒與吏俱往延入小廳拜伏流汗中令曰昨見所語誠心惻然今聊以慰其憔悴卽命箱中官誥授之已再除湖糾矣曰黃娥可于飛之任也特令送就其逆旅行裝千貫 韜園富雜著

舊史卷一

五

京兆韋氏名家女也適武昌孟氏大歷末孟與妻弟韋生同選韋生授揚子縣尉孟授閩州錄事參軍分路之官韋氏從夫入蜀路不通車乘馬行馬驚墜谷中孟生慟哭設祭服喪捨去韋氏下墜枯葉之上體無所損饑則食木葉忽見巖穴中有光如燈漸近乃是龍目龍長五六丈從穴出韋氏自度必死遂抱龍跨之龍直躍穴外遂騰於空韋氏任龍所之如半日許此龍漸低遂放身自墜落於深草之上遇一漁翁問此何所漁翁曰揚子縣韋氏私喜曰韋少府到任未我卽其姊也漁翁與載至縣門韋氏遣報孟家十

三姊欲入韋生曰十三姊隨孟郎入蜀那忽來此韋氏具說此由韋生驚見之後數日蜀中凶問至韋生乃遣人送姊入蜀

原化記

安南萬春妃性情清淑先許適文士蕭雅王聞其美納宮中踰十載猶念雅不置一日臥疾王問之泣對曰妾旦晚塵土矣然所不忘者君憐與親愛俱深耳今舉目見王不見父母生有十年之闊死無數日之親奈何王愍側許出宮療之會雅所娶妻適殯而王亦嗣薨遂復爲夫婦

鬱岡齋筆塵

陳公緒倡義歸宋挈其子庚與俱妻劉氏留金國二

奩史卷一

五

十五年誓不嫁常緯蕭自給及庚漸長涕泣思母傾貲迎歸時公緒亦誓不娶復爲夫婦

女世說補

京師孝感坊有邢知縣單推官並門居邢之妻卽單之姊也單有子名符郎邢有女名春娘年齒相上下在襁褓中已議婚宣和丙午邢挈家赴鄧州單亦舉家往揚州是冬寇擾邢夫妻遇害春娘爲賊所擄轉賣全州娼家名楊玉春娘十歲時已能讀語孟詩書作小詞至是娼嫗教之樂色事藝無不精絕紹興初符郎受父蔭爲全州司戶甚慕楊玉遂謀一會司戶見玉似箇名家苗裔因推究之玉曰妾本官族姓邢

幼年與舅單推官之子符郎結婚後父母遭寇殞命
妾被人掠賣至此司戶心知其爲春娘也因好言正
問曰汝肯嫁我乎玉曰妾所願也司戶乃發書告其
父父致書與全州太守曰此美事也召玉與司
戶成婚任將滿春娘謂司戶曰妾失身風塵亦荷翁
嫗愛育亦有義姨妹情分相厚者今將遠去欲與語
別何如司戶許諾春娘遂就會勝寺請翁嫗及同列
者會飲有李英者本與春娘連居情極相得酒酣忽
起持春娘手曰姨今超出青雲之上我沉淪糞土之
中無有出期遂失聲慟哭春娘亦哭李英鍼線妙絕

奮史卷一

美

春娘曰我司戶正少一鍼線人妹肯爲我下乎英曰
望姨爲我方便脫此門路春娘歸以語司戶司戶不
許旣而屢請司戶不得已言於太守太守曰君欲一
箭射雙鵬耶敬奉命司戶遂挈以俱歸歸一年李氏
生男邢氏養爲己子

撫青雜記

劉文龍夢銅鏡破而復圓及歸里妻果被富人謀娶
其妻貞烈不從文龍更繼團圓

夢書大全

元至正初崔英投永嘉尉攜妻黃氏赴任舟人殺僕
沉英水中席捲所有黃氏乘夜登岸投尼姑院落髮
立名惠圓每拜觀音密訴心曲忽一人到院說操舟

者捨畫芙蓉一幅尼張屏上黃認之乃題臨江仙一詞時退居御史高公愛畫郭慶春求屏獻之忽一人賣草書問姓名對曰崔英赴官永嘉舟人沉英妻僕不顧幸得登岸公曰且留吾家見畫芙蓉因垂淚公怪問英曰此舟中失物詞乃妻黃氏作也公遂問慶春荅曰買自尼院稱尼姑惠圓題公卽令人謂尼曰夫人喜誦經請惠圓作伴惠圓至與夫人同寢處勸之養髮但不與英言公告御史捕之卽以贓給還英辭赴任公曰待作媒英曰糟糠之妻存亡未卜別娶非願公曰足下高誼如此但容奉餞及開宴公呼惠

奩史卷一

七

圓出則英妻也夫婦相抱而哭

芙蓉屏記

洪武初吳人姜子奇娶婦三載值亂子奇挾妻出避倉皇間失其妻乃爲兵官攜歸京邸子奇流落四方者累年後至京行乞有高門一婦人見之而泣貽以酒饌又以布囊裹熟米一斗與之子奇不敢仰視而去翼日此婦在門又見子奇行乞適主人不在呼與相見其語爲主母所偵卽令人追之檢其乞囊中有金釵一雙書一封候其夫還以告兵官啓封視之乃題詩一律云夫留吳越妾江東三載恩情一旦空菘藿有心終向日楊花無力暫隨風兩行珠淚孤燈

下千里家山一夢中每恨當年雇此難相逢難把姓名通兵官見詩大悼卽時遣還仍賜錢米以給其歸子奇夫婦復合

西樵野記

揚州盧翰妻李氏名妙惠有貞操宏治初盧會試不第留京講學有同姓名者死訛傳至家父母憐其寡強以聘江西謝能之子啓李自經者再不得死迫歸謝謝繼母亦揚州人李懇乞爲婢以全節操啓不得奪母與李歸江西舟過金山李題詩於壁署其後曰揚州盧翰妻李氏題旣而盧舉進士差往江西過揚州知妻已嫁登金山寺見所題詩而泣及至江西訪

查史卷一

三

而得之爲夫婦如初

堯山堂外記

聶翁山西人歸虞氏生一子翁又商於川主李氏氏之婦新寡翁卽贅於其家俗謂之坐門招夫承其香火改姓李亦生一子因張獻忠入川李氏子母散失翁流入滇黔被官兵俘獲刺史聶熊臣鞠之詢及里居姓名刺史異之退問母母令復訊而已聽於後不數語呼其子曰真而父也遂拜哭大慟屬員咸賀客問翁何由入滇黔翁言從川入滇始末又與李吏目母子里居姓名合李駭甚歸述於母母命設醴邀翁翁至母窺見出口尙識妾否爲吏目者君之子也刺

史聞之與更目序兄弟焉

見聞錄

史聞卷一

无

史聞卷一

更目序兄弟焉

見聞錄

東吳王初桐于陽篋述

揚州阮元芸臺闕定

夫婦門二

夫

古樂府藁砧今何在藁砧也謂夫也

葛常之詩話

竇滔妻蘇蕙曰非我佳人莫之能解則妻稱夫亦可

曰佳人也

天香樓偶得

河南婦被虜姑與夫行求數年得之婦已妻千戶某饒於財視夫姑若途人曾有旨凡婦人被虜許銀贖

奮史卷二

一

敢匿者死某懼罪亟遣婦婦堅不行夫姑留以俟婦閉其室弗與通遂號慟頓絕而去行未百步青天無雲而雷回視婦已震死

冬夜箋記

遼東遊擊將軍王冀一日視事回太夫人尚寢侍問何故此時未興太夫人曰我欲不言我心不安言之則傷汝心吾幼與汝父在軍中為王父掠來我娠汝八月矣時王父為帥遼陽置吾後室已而生汝王父妾媵雖眾然無子女因以為己子王父亡汝長遂襲其官汝實趙某子也汝父離散幾四十年吾昨出廳見牧馬老卒彷彿汝父也欲呼問其來歷因不會與

汝說知此情故未問及汝可呼來問其端的則是非可知也王呼老卒詰之卒歷告正統初攜妻自濟南衛來戍於此妻某氏方有娠爲遼陽將官逼去至今四十餘年不知妻子消息因淚下如雨王起告其母母出相持慟哭仆地王亦悲切不勝乃請入廳更衣子女參拜次日上疏備陳其故乞辭位歸於王氏自補趙氏軍伍朝廷嘉其孝義俾仍原職復姓趙氏

野乘

梨洲

晉元康中梁國女子許嫁而夫戍經年不歸女家更強以適人尋病亡夫還問所在夫徑至墓開棺女遂

奮史卷二

二

活因與俱歸後婿聞知詣官爭之王導曰此非常事不可以常理斷之宜還前天

搜神記

淮節婦者年少美色夫爲商與里人共財出販里人悅婦之美因同江行排其夫水中夫指水泡曰他日此爲證既溺里人佯救其屍錄其行囊歸付其母奉其母如已母感里人之恩義以婦嫁之夫婦歡睦生男女數人一日大雨里人視庭中積水竊笑婦問其故里人語之曰吾以愛汝之故害汝前夫死時指水泡爲證今見水泡竟何能此其所以笑也婦伺里人出卽訴於官鞠罪行法婦慟哭曰以吾之色而殺

二夫何以生爲遂赴淮而死

蓼花洲問錄

史某與一友爲伙計史妻美友心圖之同商於外瀕
史水中求其妻爲配生二子一日驟雨積潦滿庭一
蝦蟆避水上階其子戲以杖抵之落水後夫云史某
死時亦如是妻聞故乃知後夫圖之也翌日後天出
卽殺二子走訴於朝高皇賞其烈置後夫於法而旌
異之傳奇爲作蝦蟆傳

快雪堂漫錄

羽林郎云男兒愛後婦女子重前夫

古樂府

孫天閑家貧妻欲離異孫聽之未幾聯捷妻乃偕後
夫至願鬻身爲奴孫不許妻愧恨而死

瓠臚

奩史卷二

三

燕人李季遠出其妻私通於士季突至士在內妻患
之其室婦曰令公子裸而解髮直出門吾屬佯不見
也於是公子從其計疾走出門季曰是何人皆曰無
有季曰吾見鬼乎婦曰然爲之奈何曰取五姓之矢
谷之季曰諾乃浴以矢

韓非子

李迴秀爲母出許婦而晚爲張阿藏私夫

宛委餘編

無恒有妾曰善佞蓄私夫以生子

續侍兒小名錄

劉喜嘗出經年妻與一富人子私通夫歸給語妻曰
汝之前事吾盡知之吾不能默默受辱於人又不忍
聞兩情之好汝能令富人子以百金餉我我則使汝

詐爲得病而死者載以凶器而送諸野子夜則潛往奔之如是庶可以滅口妻以爲然因進百金托以疾逝夫乃納妻於棺膠以大釘縱火焚之

遜齋閒覽

南詔處子出入不禁嫁娶之夕私夫悉來相送

蠻書

丁外人非名言是蓋王之外夫也

日知錄

昔有愚人之婦私通旁夫欲隨之去密語隣母云我去後汝可齋一死婦屍安著室中謂我已死隣母如教夫信之婦後心厭旁夫還家謂夫曰我是汝妻夫言我婦死久矣言之再三終不信

百喻經

兩浙婦人皆好事服飾口腹而恥營生小民有不能

宦史卷二

四

供其費者從其私通謂之貼夫

雜助

吐火國男多女少婦人有五夫者則首戴五角有十

夫者則首戴十角

夷俗考

光武欲以湖陽公主嫁宋宏試問曰貴易交富易妻人情乎宏曰貧賤之交不可忘糟糠之妻不下堂帝

顧主曰事不諧矣

後漢書

太宗謂尉遲公曰朕將嫁女於卿稱意否謝曰臣婦

雖鄙陋亦不失夫妻情臣聞富不易妻仁也願停聖

恩叩頭固讓帝嘉之而止

隋唐嘉話

鄔孟震喪妻何氏誓不更娶夜攜兩兒並臥儼若寡

女當事區其門曰義夫

四明志

戴大賓及第劉僅欲招爲壻戴執義不從登科錄竟刊妻姓氏

玉堂叢語

劉以平初聘關處士長女未娶而女病廢及婚乃以次女行合昏之夕以平疑其無病容詰之媒以實告以平悵然曰吾聘者病女也棄之不義且恐速其死然次女已歸吾家無復還理卽室吾弟以寬可也更迎病女女果泣涕求死親迎後病遂愈兄弟同日畢姻

隴蜀餘聞

孟光擇對不嫁父母問之曰欲得賢如梁伯鸞者鴻

奮史卷二

五

聞而聘之始裝飾入門七日而鴻不荅光踞請曰竊聞夫子高義簡斥數婦妾亦偃蹇數夫今而見擇敢不請罪鴻曰吾欲裘褐之人與俱隱深山綺縞粉墨豈鴻所願哉妻曰以觀夫子之志耳乃更爲椎髻著布衣操作而前鴻喜曰此真鴻妻也

後漢書

暗歡喜新婦見郎君美貌

蘇軾雜纂三續

毘陵成郎中貌不揚而多鬢再娶之夕岳母陋之曰

戎女如菩薩乃嫁一麻胡命成作催粧詩成乃操筆

大書云一牀兩好世間無好女如何得好夫高捲珠

簾明點燭試教菩薩看麻胡

高齋漫錄

柳州曹秦年九十娶少妻生子日中無影耳目記

盧校書象年暮娶妻崔氏結褵後微有嫌色象請賦

詩崔口占曰不怨盧郎年紀大不怨盧郎官職卑自

恨妾身生較晚不及盧郎年少時女史

豐城有七十翁生子翁之妻纔三十東坡詩云聖善

方當而立歲乃翁已及古稀年選齋閒覽

陳修登第年七十三尙未娶高宗詔出內人施氏嫁

之年三十貲奩甚厚時人戲爲之語曰新人若問郎

年幾五十年前二十三鶴林玉露

孫明復年五十髮皓白故相李文正公公高其德妻之

舊史卷二

以女其女克盡婦道澠水燕談錄

郭氏少孤事母張孝及笄富貴家爭求聘張不許時

王德政教授里中年老貌陋張欲納爲壻使教其二

子郭慨然願順母志既婚相敬如賓大名府志

齊人攻魯魯欲將吳起起取齊女爲妻而魯疑之起

遂殺其妻以明不與齊也見史記又起使其妻織組

而不中度起大怒出其妻見韓非子合而觀之爲起

妻者不亦難哉宛委餘編

袁隗欲爲從女求壻見黃允而嘆曰得壻如是足矣

允聞而黜遣其妻夏侯氏婦請姑曰今當見棄方與

黃氏長辭乞一會宗屬以展言去之情於是大集賓客三百餘人婦坐中閨數允穢惡事十五章言畢登車而去允以此廢於時

續漢書

朱浮爲彭寵所攻恐不脫乃刺其妻僅以身走

漢書

竇元儀狀絕衆天子詔以公主妻之竇時已有妻不敢以聞方欲迎婦與訣而詔已召竇成婚

三輔決錄

鍾繇嬖庶子會之母黜其嫡夫人文帝命繇復之繇

恚忿食椒致噤帝乃止

魏氏春秋同異

桓範爲冀州牧屬鎮北將軍呂昭範謂妻曰我不能爲呂子受屈妻曰君前在東座欲擅斬徐州衆人謂

奮史卷二

七

君難爲下今羞爲呂屈難爲上也範怒以刀環擊妻

傷胎死

魚豢典畧

劉毅虐御其妻妻有過立杖之又嘗以履搏妻

六帖

王宋者平虜將軍劉勳妻也入門三十餘年後勳悅

山陽司馬氏女以宋無子出之

詩女史

王定保及第吳子華侍郎鸞爲婿子華卽世定保自

游湖湘無北歸意吳假緇服自長安來訪其良人白

于馬武穆王令引見定保吳隔簾誚之曰先侍郎重

先輩名行俾妾侍筮簪侍郎歿慮先輩以妾改適是

以不遠千里來明侍郎之志定保不勝慚報

郡閣雜談

陳烈以妻林氏疾病瘦醜遣歸其家

東都事畧

王稚川旣得官都下有所盼不歸山谷爲乃妻林夫人作歎乃歌與之

合璧事類

永興有富家子悅娼女柳約爲夫婦而父母強爲子娶乃謀之市卜教以厭蠱期妻必死可娶娼則厚酬之旣而妻果病垂死父母聞而告官太守晏元獻鞠之得實發地藏木偶人書其妻名氏生時與咒咀之

詞乃奏抵法

柯陰舊話

豫章衣冠之人多有數妻暴面市廛競分銖以給其夫及舉孝廉則更娶富戚前妻雖有積年之勤子女

奩史卷二

八

盈前猶見放逐

野航史話

張仲偏愛少妾酷虐其妻趙氏遂爲妻所殺

談薈

苗軍擄得婦人艷而哲者蓄爲婦曰夫娘人有三四婦多至十數婦一語不合卽刺以刃與之處者得至

日暮無恙心竊自賀

輟耕錄

馬良爲上所愛良妻亡上每慰問之適數日不出上有問左右以新娶對上曰誰耶曰寧陽侯女上怫然曰夫婦尚薄而能事我耶杖而踈之

水東日記

江東有朝士服內生子反訶其妻與外人通其妻自

縊死

東谷贅言

紹興余尹與兄柄俱往遼陽不得歸寓兵子家兵婦
劉與尹私兵死劉遂歸尹尹兄鄙之後避兵承平尹
以咸陽幕另納王氏家焉一日尹與副使對坐忽吳
聲嗚嗚曰我來甚遠副使怪問之曰我劉氏乳名二
姐尹與我別後始則囑謹守再則令改嫁而伯又視
爲路人遂窮餓以死訴之閻君閻君曰伯當奪算尹
負汝當減壽六年又檢姻緣簿曰汝與尹前緣未斷
也氏今往生咸寧馬家爲女矣言訖尹豁然省其所
言不知也

曠園雜志

周澤爲太常臥疾齋宮其妻哀其老病窺問所苦澤

奮史卷二

九

大怒以爲干犯齋禁收送詔獄諺曰生世不諧爲太
常妻一年三百六十日三百五十九日齋一日不齋

醉如泥

何氏語林

邢子才與婦甚踈嘗晝入內閣爲狗所吠

北齊書

李益防妻過甚有散灰扃戶之談時謂之妬癡

癸囊手鏡

戴仁性迂緩娶閻氏年甚少與之異室忽一夕聞扣
戶聲小豎報縣君欲見戴仁遽取百忌歷燈下看之
大驚曰今夜河魁在房不宜行事傳語縣君謝到閻

氏慚怒而去

荆湖近事

妻太聰明夫太怪歸莊事

觚勝

俗有夫出未返而納婦者謂之空婦房

劍南詩集

羅公彥遊金陵見一少婦哭墓素笄艷妝姿態絕美
公彥詢其從者曰此婦新寡辭其夫墓歸將適人耳
公彥挽其執柯索值甚廉事成婦夜至花燭既散婦
見其姿容韶秀又富於橐裝嗟嘆良久公彥詢之再
四曰妾本非新寡執柯者卽妾之夫也不事生業每
以妾給遠方人明晨必來遲其無賴君若乘夜遷去
彼亦無如之何矣公彥卽如言遷去明晨夫至見是
空室怏怏而去

見聞錄

專諸將與人鬪有萬夫不當之氣其妻一呼卽還子

奩兒卷二

十

胥怪問之專諸曰屈一人之下必伸萬人之上

吳越春秋

賈充娶李氏名婉生二女褒裕筓裕李氏父被誅李
坐流徙充復娶郭女名槐妬甚李氏會赦得還帝詔
充置左右夫人充謙不敢當其實畏槐也

小名錄

石肇娉劉典兄女爲妻肇甚懼之每入門稱阿劉教

可爾不可爾時人以爲嗤謠

趙書

謝朓爲王敬則婿曾告敬則其女常懷刀欲報朓朓
不敢相見及拜吏部謙挹尤甚范縝嘲之曰卿人才
無慙小選但恨不可刑于寡妻朓有愧色

齊書

劉綱與妻樊夫人將飛昇妻令綱昇皂莢樹數丈方

能飛今俗稱畏內者曰上皂莢樹 丹鉛總錄

裴談崇奉釋氏妻憚妬談畏之如嚴君嘗言人妻有可畏者三少之時視之如生菩薩安有人不畏生菩薩耶及男女滿前視之如九子魔母安有人不畏九子母耶及五六十薄施妝粉或青或黑視之如鳩盤茶安有人不畏鳩盤茶耶 本事詩

任瓊酷怕妻嘗曰婦當怕者三初娶時端嚴如菩薩豈有人不怕菩薩耶既生兒女如養兒大蟲豈有人不怕大蟲耶年老面皺如鳩盤茶鬼豈有人不怕鬼耶 御史臺記

奩兒卷二

七

趙爲山偏眷牙娘謂之郡君爲山內子甚明悟爲山頗憚之親姻中有聞爲山屬意牙娘者或以告其內子爲山歸內子謂曰今日顏色悅甚應是見郡君也爲山無言以荅亦不敢詰其言之所來 北里志

宋全忠夫人張氏多智畧全忠敬憚之軍府事時與謀議或將兵到中途夫人以爲不可遣一介召之全忠立返 資治通鑑

李大壯畏服小君萬一不遵號令則叱令正坐爲縮匾髻中安燈火式壯屏氣定體如枯木土偶人誦目

之曰補闕燈檠 清異錄

康凝畏妻嘗病求烏鴉爲藥而積雪未消難以網捕妻大怒欲加捶楚凝畏懼涉泥出郊用粒食引致僅獲一枚劉尚賢戲之曰聖人以鳳凰來儀爲瑞君獲此免禍可謂黑鳳凰矣

啓顏錄

扈戴畏內特甚欲出則謁假於細君細君滴水於地曰不乾須歸若去遠則燃香印插至某所以爲還家之驗因筵聚方三行酒戴欲逃遁朋友譁曰扈君恐砌水隱形香印過界耳是當罰也吾徒人撰新句一聯勸請酒一盞衆以爲善乃俱起一人捧甌吟曰解稟香三令能遵水五申逼戴飲盡別云細彈防事水

奩史卷二

三

短蕪戒時香別云戰兢思水約匍匐赴香期別云出佩香三尺歸防水九章別云命繫逡巡水時牽決定香戴連沃六七巨觥吐嘔淋漓既上馬羣諫曰若夫人怪遲但道被水香勸盞留住

記室新書

陳季常妻柳氏絕兒妬東坡詩云龍邱居士亦可憐

談空說有夜不眠忽聞河東獅子吼拄杖落手心茫然

河東獅子指柳氏也

調謔編

尤艮齋曰今俗演獅吼記名三怕

揚州太守仲端畏妻不敢延客謝廷皓謁之坐久甚

饑端入內袖聚香團啗之

揚州事述

李福妻妬忌鎮滑臺日有以女奴獻者福意欲私之

而未果因囑妻之左右曰設夫人沐髮必來報我既
而果有以沐髮來告者福卽言腹痛且召其女奴既
往左右以裴方沐不可遽已卽告以福所疾裴以爲
信然遽出髮盆中跣問福福卽若不可忍狀裴以童
溺進之明將校來問福具告之因曰一事無成固當
有分所苦者虛咽一甌溺耳避暑漫抄
安鴻漸懼內婦翁死哭於路其孺人呼入總幕詬之
曰何因無淚漸曰以帕拭乾妻嚴戒曰來日須見淚
漸來日以寬巾納濕置於額大叩其額而勸其孺人
又呼入問曰淚出於眼何故額流對曰豈不聞自古

奩兒卷二

云水出高原聞者大笑

荆掌錄

秦檜畏內妾當孕妻逐之生子爲林氏子

齊東野語

馮大夫懼內其夫人宋氏或謂之曰無若宋人然馮

曰是爲馮婦也

冒夢齡尤語

或論三綱之義夫爲妻綱宜無有夫畏妻者祝瑄美

曰凡男命皆起於寅寅純木之精也女命皆起於申

申純金之精也未有木而不畏金者也又男道主火

女道主水未有火而不畏水者也况陽能發育主生

陰能收斂主殺未有不樂生而畏死者也此懼內之

理鮮有知者

東谷贅言

曰婦人必疑心來辨非過

夫爲夫者耽少姿入巧言房簀之間夜以繼日纏愛
紐情牢不可拔妻計日行夫勢日削如鉗磔口噤不
得聲如絡冒頭癡不得動如杻械被身束縛囚繫不
得自由而至寒熱饑飽在彼不在我出入起居在彼
不在我使爲不信惟命使爲不義惟命使爲不忠惟
命使爲不慈惟命使躬行夷狄犬彘之所不爲惟命
極口罵辱焉迎以笑嬉盡力決撻焉連稱罪過數以
犯再拜謝之役以事健步辦之曰舐吾痔諾而趨曰
嘗吾使跪而進上不知有親知有吾妻而已下不省
有幼省有吾妻而已由是有家則妻擅其家有國則

奩史卷二

四

妻擅其國有天下則妻指揮其天下令一縣則小君
映簾守一州則夫人並坐論道經邦則子飛對理內
殿而粉黛判賞罰裙襦執生殺矣

黑心符

蒼吾繞娶妻而美讓與其兄非禮之讓也

家語

烏許國人娶妻美則讓其兄

後漢書

昔有三男子共娶一女生四子後爭訟廷尉云禽獸
生子逐母宜以四子還母尸三男於市

傅子

滑國兄弟共妻

杜氏通典

西藏俗一家弟兄三四人或娶一妻其婦人能令三
四弟兄同居者人皆稱美以其能於治家

衛麟圖說

晉祁勝與鄔臧通室通室易妻也

左腴

許邁好道遣妻孫氏還家爲書以謝絕之孫氏爲書
荅邁曰昔梁生涉嶺孟光是攜蕭史登臺秦女不召
衛人修義夫妻同行老萊逃名伉儷俱逝豈非古
嘉遯之舉邁不納

金蟬脫殼

唐李度支蓄妓陶芳而棄妻有勅停官

藏一話腴

令狐建妻李寶臣女也建將棄之誣與門下郭士倫
通榜殺士倫而棄其妻

六帖

崔顥娶妻惟擇美者俄又棄之凡四五娶

唐書

裴章娶妻李氏年四十餘章棄之於洛別有所牽李

奩史卷二

五

氏衣褐髮髻讀佛書蔬食而生魂訴於上章後自以

刃刺腹而死

南部新書

沈廷端棄妻入道

郡閣雅談

王純齋送其妻歸家而自爲道士

金華遊錄

史癡娶妻甚美遣之別嫁佯狂行乞於市

鳳騰

自叔梁紇始出妻及伯魚亦出妻子思又出妻故稱

孔氏三世出妻

家語後序

曾參事後母至孝其妻蒸藜不熟出之

家語

禮記檀弓曾子父子俱出妻然顏氏家訓有云曾參
婦死謂其子曰吾不及吉甫汝不及伯奇遂終身不

娶恐別有據 宛委餘編

孟子惡敗而出妻惡敗惡其敗德 荀子注

梁叔魚三十無子欲出其妻商瞿曰吾年四十有子

五人恐子晚出耳非妻之過也 六帖

鮑永妻嘗母前叱狗永即去其妻 蟬史

李充兄弟六人充妻勸異居充遂出其妻 東觀漢記

陶邱氏取墨台氏女女色甚美才甚令復相愛已生

一男而歸母丁氏引見女婿女婿既歸而遣婦婦臨

去請罪夫曰曩見夫人年德已衰非昔日比亦恐新

婦老後亦必如是以遣 邯鄲氏笑林

奮史卷二

六

黃允出妻夏侯氏曰婦人見棄當分釵斷帶 後漢書

李迴秀妻罵媵婢母聞不樂迴秀即出其妻 夷門廣

嚴灌夫娶慎氏十年無子乃出之慎氏為詩以別曰

當時心事已相關雨散雲飛一餉間便是孤帆從此

去不堪重上望夫山灌夫留如初 雲溪友議

章元弼娶陳氏甚端麗元弼貌陋嗜學初得眉山集

夜觀忘寢陳氏有言求去元弼出之 修潔齋閒筆

王荆公子雱為太常寺太祝與妻寵氏日相鬥鬩荆

公念婦無罪欲離異之恐其被惡聲遂與擇婿而嫁

之荆公門人工部員外郎侯叔獻死其妻槐氏幃箔

不肅荆公奏逐之京師諺曰王六福生前嫁婦候了
部死後休妻

東軒筆錄

官本雜劇段數有王崇道休妻

武林舊事

古人以去婦爲大歸夫人姜氏歸於齊大歸也王景
興與鍾元常書近聞室人孫氏大歸曷爲離拆以至
歸而不反乎今世俗歸寧曰大歸不祥莫甚

翰

漢書劓通傳婦與里母相善其姑見疑盜肉去之其
母卽束縲取火於亡肉家曰吾犬爭肉相殺請火
之姑乃追去婦蓋用韓非子人有亡其豚肩者意其
婦而逐之鄰媪聞之束韋而詣之曰昨夜狗爭骨須

奩史卷二

七

火以燭之主人悟乃歸婦

野客叢書

王吉東家有大棗樹垂庭中吉婦取棗以啖吉吉知
之卽去婦東家欲伐樹鄰里共請吉還婦里中語曰
東家有樹王陽去婦東家棗完去婦復還

兩漢筆記

劉介繼娶妻美豔張綵欲奪之乃問介我有求肯從
我始言之介曰一身之外皆可奉公綵曰我所求者
新嫂也敢謝諾介默然不敢對少頃鼻夫至強輿歸
矣

史實錄亦見續筆乘

奩史卷三

東吳王初桐于陽篋述

登州王燕緒詒堂校刊

夫婦門三

妻

陳質娶妻而長拜之 孟子注疏

內子者卿之嫡妻 讀書雜鈔

東方朔拔劍割肉歸遺細君師古曰細小也朔自比

諸侯故謂其妻曰細君 漢書注

夢得新銚者當娶好婦也 夢書

奩史卷三

漢書昌邑王賀妻曰嚴羅紂紂音敷 海蠡編

習鑿齒與謝安石書云匈奴妾名爲閼氏言可愛如

烟支也按史記漢書謂單于正妻曰閼氏猶中國言

皇后耳並非妾名且謂色象烟支便以立稱則單于

女謂之居次復比何物 匡謬正俗

沈休文山陰柳家女詩云還家問鄉里詎堪持作夫

鄉里謂妻也南史張彪傳呼妻爲鄉里云我不忍令

鄉里落他處 西溪叢語

古人稱妻曰鄉里今會稽人曰家里 敖器之詩話

俗語云鄉里夫妻步步相隨言鄉不離里如夫不離

妻也 白氏金鎖

王綽兄弟皆呼婦為妹妹 北齊書

安國王每聽政與妻相對 太平御覽

北堂謂妻也今皆作母事 羅點聞見錄

流求國呼妻曰多快茶 隋書

西番呼贊普之妻曰末蒙 唐國史補

回鶻妻號天公主 五代史

雞林方言妻曰漢吟自稱其妻曰細婢 雞林類事

西原蠻洞主娶數妻皆號媚娘 夷俗考

漢市語謂妻曰渾家金人稱妻曰薩那罕 諤崖勝說

僣史卷三

士人正妻曰耐德 貴州通志

王渾後妻顏氏女王時為徐州刺史交禮拜訖王將

荅拜觀者曰王侯州將新婦州民恐無由荅拜王乃

止武子以其父不荅拜不成禮恐非夫婦不為之拜

謂之顏妾顏氏恥之 世說新語

鄭休前妻所遺一女方幼又休父布臨終生子沈遺

言必棄之繼妻石氏曰奈何使舅允不存乎遂養沈

及前妻女以力不兼舉九年中三不舉子 晉書

司空鄭袤卒議者以袤前妻孫氏久喪難舉其繼妻

曹氏曰孫氏元配理當從葬可使孤寡無依乎于是

備吉凶導從之儀以迎之具衣衾几筵親執雁行之

禮聞者莫不嘆息

晉陽秋

人哭其妻其妻出財出

百里奚爲秦相堂上作樂所賃浣婦自言知音援琴而歌曰百里奚五羊皮憶別時烹伏雌炊扈屨屨今日富貴忘我爲問之乃故妻也遂復合

風俗通

後漢竇元形貌絕異天子使出其妻而以公主妻之故妻悲怨寄書及歌與元時人憐之其歌曰粲粲白

兎東走西顧衣不如新人不如故

詩紀

魏尚書令王肅先仕齊娶謝氏女及至洛復尚陳留公主謝氏爲尼來奔作五言詩贈肅曰本爲箔上蠶

奩史卷三

三

今作機中絲得路逐勝去頗憶纏綿時公主代肅答謝云針是貫線物目中恒任絲得帛縫新去何能納故時肅甚愧焉遂造正覺寺以愆之

洛陽伽藍記

楊二郎泛海陸水抱木漂至鬼國見一婦人若最尊者稱爲鬼國母問楊曰願住此否楊曰願住卽命小鬟爲治一室結爲夫婦居二載飲食起居與世間無異嘗有真仙邀迎國母母必往一日楊請侍行飄然履空如攝烟雲至一館宇盤飴豐潔鬼母導楊伏于卓幃下戒以勿動移時聞人哭聲蓋其妻也楊出喚之妻驚泣曰汝没于大海久矣今夕除靈故追薦何

得如此楊異道曲折方知元不曾死然鬼母在外招
喚不復敢相近少頃寂然夷堅志

李將軍言部曲嘗掠人妻既數年攜之南征值其故
夫一見慟絕問其夫已納新婦則兵之故妻也四人
皆大哭各反其妻而去愚山詩集

乾隆丙子永城歲荒有顧四者鬻妻嫁虹縣孫某生
一女次年歲豐顧又娶後妻生子成幼遠出傭工流
轉至虹縣贅孫姓家兩年妻父歿成無所依攜其妻
并妻母回永城顧四出見兒之岳母已之故妻也時
顧後妻先一月歿遂為夫婦如初新齊諧

查史卷三

王毛仲有兩妻皆國色六帖

安重榮立二嫡妻彭城郡夫人劉氏封魯國夫人南

陽郡夫人韓氏封陳國夫人五代史

三婦同夫志不相思焦氏易林

衛靈公有妻三人莊子

魏收娶其舅女崔昂之妹時劉芳孫女崔肇師女夫
家坐事帝並賜收為妻人比之賈玄置左右夫人後
病甚恐身後嫡媵不平乃放二姬及瘳追憶作懷離
賦以申意北齊書

後國女人不淫不妬大人皆有四五妻後漢書

裸形蠻女多男少或十妻或五妻共一丈夫南都志

八百媳婦傳其土酋有妻八百故以爲名尚谿織志

南詔有妻妾數百人總謂之詔佐蠻書

漢書外婦服虔曰外人主之所幸也日知錄

羊舌子好正不容於晉或攘羊遺之妻叔姬勸令勉

受且求容羊舌子曰爲二子烹之叔姬曰不可食以

不義之肉不若埋之姓源珠璣

公孫去病妻戴氏久無子謂夫曰禮有七出請受訣

夫不許又曰當更廣室夫亦不肯及夫亾遂操刀割

鼻誓不嫁古今烈女傳

奩足卷三

袁隗妻馬倫是融之女少有才辨融家世豐豪裝遣

甚盛初成禮隗謂曰婦奉箕帚而已何乃過珍麗乎

對曰慈親垂愛不敢逆命君若欲慕鮑宣梁鴻之高

妾亦請從少君孟光之事謝承後漢書

袁隗以女妻張奉送女奢麗婦入門數年奉住精舍

有如路人其妻待奉入朝乃徑前跪曰家公年老不

以妾顏陋使侍君巾櫛自知不副雅操君如欲執梁

鴻之高節妾當懷孟光之微志乃悉徹嫁時衣物著

纓帛執紡具奉始納之華嶠後漢書

皇甫規卒妻年盛色美董卓婢之乃輕服詣卓門陳

請辭甚酸愴卓使侍者拔刀圍之曰孤之威教欲令四海風靡何有不行于一婦人乎妻乃立罵曰君羌胡之種妾之先人清德奕世皇甫氏爲漢忠臣君親非其走吏乎敢欲行非禮于爾君夫人卓撲殺之後人圖畫之曰禮宗後漢書

王霸友令狐子伯有兒爲郡功曹遣奉書于霸容服甚光霸顧視其子有慚色妻曰子伯之貴孰與君之

高奈何忘夙志而慚兒女子耶兩漢書言

周都妻趙宗女字阿少閑于婦道而都多行無禮都父謂阿少曰當以道匡夫阿少退曰我言不用必謂

我不奉教若用是謂子違父而從婦乃自殺漢世說

黃帛張貞妻也貞覆船死帛往沒處投水中積十四

日持夫手浮出華陽國志異苑同水經注引益部耆舊傳誤以貞爲貞

高柔婚泰山胡母氏女姿色清惠近是上流婦人柔營宅于伏川馳動之情旣薄又愛翫賢妻便有終焉

之志後起冠軍將軍眷戀綢繆不能相舍相贈詩書清婉辛切世說注

丹陽守李衡每欲治家妻習氏輒不聽曰人患無德

不患不富若貴而能貧方佳耳女世說

恭穆夫人馮氏年逾三十無子乃請文穆王納諸姬

皆生子既長夫人均養之常置銀鹿于帳前坐羣兒
于上而弄之喜動顏色

吳越備史

刺史高叡爲默啜所執默啜曰降我賜汝官不降且
死叡視妻秦秦曰君受天子恩當以死報賊官安足
榮賊乃殺之

唐書

趙昂子月質于馬超會超叛昂討之語妻王氏曰奈
月何王氏曰雪君父之大恥喪元不足爲重況一子

哉

微帚軒刺語

韋雍被劫雍妻蕭氏與雍皆出左右格之不退雍臨
刃蕭氏呼曰我苟生無益願死君前遂自殺

彙苑

奩史卷三

七

吳曦據蜀降金興州將李好義謀討之囑妻馬氏曰
日出無耗當自爲計馬氏叱之曰若爲朝廷誅賊何
以家爲我決不辱李家門戶馬氏母亦曰行矣勉之
汝兄弟生爲壯夫死爲英鬼好義喜曰婦女尚爾我
輩如何

丁卯實編

畢氏中歲無子然與妻極恩愛不忍置妾醉後與妻
遇妻陰以侍婢代已卽有娠旣產子妻具以實告乃
納而試之明年又產子

鈞元

春雨過春城春庭春草生春閨動春思春樹叫春鶯
此李丞婦顧三娘詩也顧蔚有才華尤閑女則母皇

甫淑人絕愛憐之所遣資裝奇服不下數千金而李
多外嬖不軌於物數年揮斥殆盡顧視之泊如也葛

輒練裙讀書不輟絕未嘗有自憐之容

梅花草堂筆
談少室山

房筆叢曰崑山顧茂儉之妹嫁孫僉憲家為婦甚有
才情春日詩云云可置玉臺新詠中

少師費宏之女嫁宜興吳尚書子賢不見答有詩寄

少師云染淚裁詩寄老親洞房辜負十年春西江不

是無門第錯認荆溪薄倖人

吟堂博笑集

天軍次洪州有卒掠一婦人頗有姿色置于兵幕之

下每欲逼之云自有伉儷不能負也交臂疊膝俯地

而坐軍人怒許其斷頭剖心終不能犯以非禮主帥

查見卷三

八

聞而憫之使送還本家

茅亭客語

吳奎之妻張氏初時賊兵至門見氏姿容美麗逼之

氏急伏水故向淺處賊去氏復起往尋其夫道險人

稠無從相覓歸廬獨自掩門已有預入者強淫之無

計為拒也賊寢熟遙聞叩門聲心知夫歸也潛啓以

入遂與其夫共以力刺賊死拾賊資物以逃倏有深

井妻謂今得死所矣奎力阻之泣曰妾已失節奈何

覲顏偷生乎投井死

古處齋集

郭六淮鎮農家婦也雍正間歲大饑其夫遠出乞食

瀕行對婦稽顙曰父母皆老病吾以累汝婦故有姿

色

里少年瞰其乏食以金錢挑之皆不應惟以女工養翁姑既而不能贖則集隣里叩首曰我夫以父母托我今力竭矣不別作計當俱死耳鄰里能助我則乞助不能助則我且賣花毋笑我鄰里徐散去乃慟哭白翁姑公然與蕩子游陰蓄夜合之資又置一女子然防閑甚嚴不使外人覲其面或謂是將邀重價也越三載其夫歸卽與見翁姑曰父母併在今還汝又引置女見其夫曰我身已汚不能忍恥再對汝已爲汝別娶一婦今亦付汝夫駭愕未答則曰且爲汝辦餐自往厨下自刎矣

漢陽銷夏錄

畜史卷三

九

瞽叟使舜完廩舜告堯二女二女曰時其焚汝鵲汝衣裳鳥工往舜旣登廩得免去後瞽叟使舜穿井又告二女二女曰魚汝衣裳龍工往入井瞽叟與象下土實井舜從他井出

玉杵臼亦見金樓子

陶答子相陶其政不修而家益富其妻抱子而泣姑問泣何也曰妾聞南山有元豹霧雨十日不下欲以澤毛衣而成文章也故有威而遠害今夫子反是禍將至矣期年而答子見誅

列女傳

卷里論說

田延年以霍光廢昌邑王議報楊敞敞驚懼汗洽敞夫人謂敞曰夫將軍議已定便九卿來報君侯君侯

不疾應與大將軍同心先事誅矣乃與延年諾請奉
大將軍教

沈氏學說

劉楷爲交州與垣曇深同行曇深道卒妻鄭獻英年
二十子文凝始生仍隨楷到鎮甚有容德自厲冰霜
居一年私裝了求歸楷以去鄉萬里不許獻英曰垣
氏羈覓不反而其孤藐幼妾若一同灰壤何面目以
見先姑因大悲泣楷愴然許之遂間關至鄉葬訖乃
曰可以下見先姑矣

竹香齋類書

李衡守丹陽數以法繩瑯琊王孫休休立衡欲奔魏
妻習氏曰不可君數作無禮又猜嫌逃奔以此北歸

倉史卷三

十

何面目見中國人乎且上素好善慕名終不以私嫌
殺君可自囚詣獄表列前失顯求受罪當逆見優容
非但活也衡從之果無患又加秩

資治通鑑

山濤與嵇康阮籍一面契若金蘭山妻韓氏曰負羈
之妻親觀狐趙意欲窺之可乎他日二人來妻勸公
止之宿夜穿墻視之公入曰二人何如妻曰君才致
殊不如止當以識度相友耳

世說新語

許允爲吏部帝疑之召入將加罪允妻阮氏跣出謂
曰明主可以理奪難以情求允入而出喜謂妻曰吾
知免矣妻曰禍見于此何免之有

魏氏春秋

許允被收舉家號哭妻阮氏自若云勿憂尋還作粟粥待頃之允至

郭子

許允爲司馬師所誅門生走告妻阮氏曰早知爾爾門生欲藏其二子曰無預兒事

詢芻錄

柳世隆起兵應宋明帝兵敗逃匿孔道存購之甚亟有軍人貌似斬送之時世隆母郭妻闇並縶繫襄陽獄道存以所送首示之母見首悲情小歇而妻闇號叫更甚密謂郭曰今若減悲便爲人覺復當增號以滅之世隆竟免

晝眉筆談

李翼兄中書令豐謀廢大將軍司馬師翼妻荀氏謂

奩史卷三

十一

曰中書事發可早赴吳何爲坐待死亾左右可同赴水火者誰翼思未答荀曰君居大州不知可與同生死者去亦不免遂及禍

菽中隨筆

梁衡陽王蕭暢卒葬將引柩有聲議者欲開視王妃柳氏曰晉文公已有前例不聞開棺無益亡者之生徒增生者之痛乃止

唾玉集

朱有謙有功于唐莊宗信伶人景進之誣遣夏魯奇族其家有謙妻張氏入室取鐵券示魯奇曰此皇帝所賜也不知爲何語魯奇亦爲慙

閩然堂類纂

上林令侯敏素事來俊臣妻董氏以俊臣國賊勢不

久勸敏敬而遠之俊臣怒出爲涪州武隆令董氏曰
但去莫求住遂行至州投刺參州將錯題一張紙州
將怒不放上董氏曰但住莫求去停五十日忠州賊
破武隆敏以不許上免

支談

張商英夜執筆妻向氏問何作曰欲作無佛論妻曰
旣無矣又何論張大悟

五九枝譚

劉復新爲上都留守令史亢子春戲據案判事復新
怒責狀枷項夫人田氏詢知謂此小節耳卽呼子春
至請復新脫其枷且勞以酒云此一盃與若壓驚此
一盃與若祝喜大丈夫患無志耳留守一官寧有種

奩史卷三

三

乎亢泣謝而退數年復新卒無嗣時亢官湖廣參政
迎夫人歸沒齒敬養

波古叢語

徐州刺史劉遐卒其妹夫田防等欲爲亂遐妻邵氏
止之不從乃密起火燒甲杖都盡

讀書偶然錄

金源氏之南遷也西山有婦人翟氏年廿餘其夫從
軍死翟出入兵刃往復數百里晝伏夜行以其尸歸
負土而葬之旣葬自以早寡無子乃自決于墓側鄰
里救而復蘇終始一節

靜脩丁亥集

李伍戌福寧死妻張氏臥積水上誓曰天若許妾取
夫骨當得不死踰月竟不死鄉人義之相率贈錢大

書其事于衣以行至福寧問夫葬地則榛莽四塞不可識張哀慟欲絕夫忽降于童言動無異指骨所在張如言發得之持骨祝曰信妾夫耶入口當如冰雪黏如膠已而果然官義之使護喪還

元史

吳許升妻呂氏勸升修學升遂以成名

毛詩集解

劉殷妻張氏性婉順奉殷如君父

子史精華

樂羊子遊學而歸其妻引刀趨機曰君子尋師中道

而歸何異斷織乎羊子乃發憤卒業

雞蹠集

趙昂以冀州參軍事為馬超所攻其妻異躬著布鞵

佐昂守備凡出九奇異輒參之

世語新語補

舊史卷三

三

薛仁貴妻柳氏曰高世之才遇時乃發今天子征遼

求猛將此難得之時君盍圖功名以自顯

唐書薛仁貴

李侃為項城令李希烈攻之妻楊氏勸其固守侃中

流矢還家妻責曰君不在人誰肯固死于疆猶愈死

于牀也

蕭湘聽雨錄

王忠嗣以女韞秀歸元載歲久見輕韞秀勸夫游學

所有奩幌資粧盡為紙筆之費載乃遊秦韞秀請借

行爲詩曰路掃饑寒迹天哀志氣人休零別離淚攜

手入西秦

羣書拾曠

韋臯婿于張延賞家漸不齒禮妻垂泣言曰韋郎學

兼文武豈有沉滯兒家爲尊卑共嗤夫凌霄之志起于風飈郎獨倦飛乎臯遂東遊瞿塘日錄

劉寧妻能佐夫以義詔褒之賜白金二百兩賞賚考

相鼠妻諫夫之詩也玉海引白虎通

楚昭王遊獵與姬同乘顧謂姬曰樂乎對曰樂則樂矣不可久也昔先君莊王淫樂三年不聽政事終而不能改卒霸天下君王若能法先君改之以勤其政可

也不然亂無日矣王敬其言而禮之荊州志

頃襄王好淫樂出入不時年四十不立太子莊姬欲諫之乃以緹箏爲幟伏南郊道側車至幟舉王怪問

奩史卷三

古

之女曰大魚失水有龍無尾牆欲內崩而王不視王

不悟女爲解之遂載歸立爲夫人女世說

王章爲諸生獨與妻居疾病無被臥牛衣中涕泣妻

怒曰疾病困阨不自激昂乃反涕泣何鄙也及官京

兆欲上封事妻又止之曰人當知足獨不念牛衣涕

泣時耶漢書

謝躬妻知世祖不平常戒躬曰君與劉公積不相能

不爲之備終受制矣躬不納竟爲世祖所擒東觀漢記

曹操待陳宮厚後以兖州叛迎呂布及操攻布布欲

使宮守城自將騎斷曹糧道布妻謂布曰曹氏待公

臺如赤子猶舍而歸我今將軍厚公臺不過曹氏而欲委全城捐妻子孤軍遠出一旦有變妾豈得爲將軍妻哉乃止

女世說

司馬徽婉約遜遁人有問者輒言其佳婦諫曰人質所疑君宜辨論一皆言佳豈人所以咨君之意乎徽曰如卿所言亦復佳

司馬徽別傳

陳士昂李五疇曰

苻堅欲伐晉張夫人引禹稷湯武事以諫

容齋隨筆

北齊并州有士族好爲可笑詩賦衆共嘲弄虛相稱讚其妻明鑑人也泣而諫之此人嘆曰才華不爲妻子所容何況行路

顏氏家訓

倉史卷三

三

杜司空儆鎮澧陽怒李宣古欲辱之其妻長林公主不待穿履奔出救之曰尚書不念諸子初學時擬陪李秀才硯席乎奈何飲人狂藥舉人纖過遂傳令爲詩李生援筆立成儆賞之貺物十廂

哲匠金桴

劉知遠還至晉陽議率民財以賞將士后李氏諫曰陛下創大業未有惠澤及民而先奪其生生之資殆非新天子所以救民之意也請悉出宮中所有以勞軍雖復不厚人無怨言知遠從之

中外大悅
經濟類編

僧泓師與韋安石善嘗見鳳棲原一地甚佳語安石安石欲偕往其夫人曰公爲大臣奈何潛遊郊野又

買墓地恐禍從此始泓師曰夫人先見若須買地不
必躬親夫人曰欲得了義兼地不須買

瑯琊曼衍

程少良爲盜致貲數萬偶與黨中諸少年食老而齒
脫不能食大嚮其妻起請少年曰公子與此老父惟
埋剝奪十餘年今尚不能食此去必殺之草間無爲
鐵門外老捕盜所咀快少良悟曰老嫗真解事遂謝
少年

靜用堂偶編

崔羣知貢舉旣罷夫人李氏勸其樹莊田以爲子孫
之計笑答曰余有三十所美莊良田遍天下夫人復
何憂夫人曰不聞君有此業羣曰吾前歲放春榜三

奩史卷三

六

十人豈非良田耶夫人曰君非陸相門生乎往年君
掌文柄約其子不令就試如君以爲良田則陸氏一
莊荒矣羣慙而退累日不食

康餘錄

周行逢居武陵果于殺戮夫人嚴氏諫不聽乃紉曰
家田佃戶以公貴多恃勢侵民請往視之至則管居
以老行逢就見強邀之以羣妾擁升肩輿嚴氏卒無
留意因曰公用法太嚴而失人心所以不欲留者一
旦禍起田野間易爲逃死耳行逢爲少損

五代史

呂蒙正夫人宋氏能隨事諷諫蒙正朝罷歸偶片雪
沾衣欲斬執役人夫人舉撥夾詩諷之乃已蓋蒙正

因躡時有撥盡寒爐一夜灰之句也

義山堂外紀

嚴嵩妻歐陽氏見嵩勢盛曰不記鈴山堂二十年清

寂耶嵩甚愧之

筠廊偶筆

嵩妻歐陽氏見嵩勢盛不

弓工妻者蔡人之女也齊景公使弓人為弓引弓而射不穿一札公怒將殺弓人其妻見公曰妾之夫造此弓其為之亦勞矣其幹生泰山之阿傅以燕牛之角纏以荆麋之筋糊以阿魚之膠此四者天下之妙選也而君不能穿一札是君不能射也而反殺妾之夫不亦謬乎妾聞射之道左手如拒右手如附枝右手發之左手不知此射之道也景公以其言而射穿

奮史卷三

七

七札乃賜其夫金三鎰

韓詩外傳

列女傳作晉平

盛道妻趙氏字媛姜道兵敗夫妻執繫當死媛姜夜中解道程楮令攜幼子潛逃媛姜代道持夜應對不失度道已遠乃以實告吏應時見殺父子會赦得歸感其義終身不娶

後漢書

漢書

漢獻帝逃竄至河無舟楫后乃負帝以濟河脚下如

有乘踐

拾遺記

文選

庾友將坐誅婦為桓温弟豁女徒跣求進閤禁不納女厲聲曰是何小人我伯父門不聽我前因突入號泣請曰庾至臺嘗因人脚短三寸當復能作賊不温

聞之遂原友

世說新語

方勉犯夜禁妻許氏代呈郡守詩遂釋其夫

詩話總龜

明太祖嘗為偽漢兵所逐馬后負之而逃太子私繪

作圖

剪勝野聞

江浦知縣周益蒲州驛丞馮佇俱有罪當刑益妻梅

氏佇妻李氏俱具疏代夫刑詔特宥之

明逸編

楊繼盛妻張氏上書請代夫死詞極哀痛為嚴高所

屏不得上

資治通鑑綱目三編

思夫山秦有人採藥不回妻念之而死因名

洞庭記

伯常子避仇為漁父其妻思之作釣竿之歌

中華古今注

奩兒卷三

大

飛蓬引取首如飛蓬意思夫之曲也

女紅餘志

蘇伯玉使蜀久不歸其妻居長安思念之因作詩寫

之盤中屈曲成文

古今藝苑談錄

一少婦婚未匝月其夫出從戎與一石卵謂之曰汝

若思我第視石見石如見我也夫行後婦每思輒視

石久之見其中冉冉如動遂每夕夢夫結氣死其家

碎石視之石中已成玉如人形作夫婦攜手狀

玉笑零音

鄱陽有望夫岡昔陳明與梅氏為婚未娶妖魅詐迎

婦去明請卜者訣云西北行五十里求之明如言見

大穴以繩懸入遂得其婦乃令婦先出而明翻斃于

穴其妻登此岡而望其夫因以名焉

鄱陽記

女觀山昔有思婦登山絕望懷思而死

荊州圖副

德安望夫山昔人行役未回其妻每登山而望輒以

紅箱盛土積久漸高故名

方輿紀要

武昌望夫石狀如人相傳女子望夫而化爲石

郭頌世語

茗溪漁隱叢話曰望夫山在處有之鐵崖古樂府曰望夫石謂之石婦

劉君良四世同居遇荒饑妻勸其異居因易置庭樹

烏雞令鬪且鳴家人恠之妻曰天下亂禽鳥不相容

況人乎君良後知其計因斥去妻

女世說

杜羔不第將至家其妻劉氏先寄詩云良人的的有

奩史卷三

九

奇才何事年年被放回如今妾面羞君面君到來時

近夜來羔卽回尋登第又寄詩云長安此去無多地

鬱鬱慙慙佳氣浮良人得意正年少今夜醉眠何處

樓

南部新書

敬君詩話曰此詩渾是一團炎涼氣

教東谷在寧州年久妻背夫他適迎婦者已在門東

谷突歸始散念家貧難娶隱忍與居正德辛巳登進

士第官留京師不挈以隨納妾甚嬖焉

綠雪亭雜言

鄭子陽爲相載粟與列禦寇禦寇辭之其妻拊心曰

妾聞爲有道之妻皆得供樂今有飢色君遺先生粟

先生不受豈非命也哉

高士傳

鄧艾冬月入陰平守將馮邈不爲備乃歸私室與妻李氏擁爐妻曰邊關告急君豫然何也邈曰魏兵至我其降乎妻唾面曰負國如此我何面目與君共立也已聞邈出降李卽自縊

三國典畧

謝道韞初適王凝之大薄其夫還家謂父曰一門叔父則有阿大中郎羣從兄弟則有封胡遏末不意天壤之中乃有玉郎

世說新語

孫秀降晉晉武帝厚存寵之妻以姨妹蒯氏室家甚篤妻常妬乃罵秀爲貉子秀大不平遂不復入蒯氏大自悔責請救于帝時大赦羣臣咸見旣出帝獨留

奩史卷三

三

秀從容謂曰天下曠蕩蒯夫人可得從其例不秀免冠謝遂爲夫婦如初

世說新語

周彬不治財產其妻嘗讓之及先主鎮金陵彬囊文以往錫賚頗厚以所賜金帛陳于庭謂婦曰比諸伯叔何勝妻曰男子之事非女子所能知

江南野史

陳塊齋性寬坦在翰林時夫人嘗試之會客至公呼茶夫人曰未煮公曰也罷又呼乾茶夫人曰未買公

曰也罷時因號陳也罷

鈞陰冗記

晏叔原聚書甚多每有遷徙其妻厭之謂叔原有類

乞兒搬漆碗

墨莊漫錄

有人鬻書爲業一日盡以其書換銅器數件而歸其妻罵其夫曰你換得他這箇幾時近得飯喫其人曰他換得我那箇也幾時近得飯喫

道山清話

樂君博學家貧一日遇午未飯妻使婢告米竭樂君曰少忍會當有餉者妻不勝忿忽自屏間躍出取案上簡擊其手樂君袒而走

避暑錄話

說苑云太公望故老婦之出夫也戰國策云太公望齊之逐夫蓋太公贅婿于馬氏被妻逐遣旣封齊侯道遇前妻再拜求合公取盆水覆地令其收之謂曰若言離更合覆水定難收婦遂抱恨而死見鵲冠子

奮史卷三

三

注今以覆水爲朱買臣事非也

天香樓偶得

朱買臣賣薪行歌妻羞之求去買臣曰待我富貴報

汝妻曰終餓死溝中耳何能富貴遂去

漢書

東谷贅言曰姜太

公爲妻所棄耄故也朱買臣爲妻所棄貧故也

楊志堅嗜學而貧其妻厭之索書求去志堅以詩送

之其妻持詣州刺史顏魯公求別公判妻笞二十任

自改嫁楊秀才餉粟帛仍署隨車

雲溪友議

李昇纂吳世子璉昇婿也宋齊邱請絕其婚云非

獨婦人有七出夫有罪亦可出之

冬夜箋記

鄭紳少日貧甚妻棄去後紳拜廉察妻再適張縕亦

任承宣使

玉照新志

張秀卿能詩幼適賣菜備後厭棄其夫子然獨居偶
與孫翰林倡和遂歸之

分甘餘話

奩史卷三

三

奩史卷三

王。燕。鴻。書。

興。流。會。林。和。味。後。韓。之。

分。甘。餘。話。

張。秀。卿。能。詩。幼。適。賣。菜。備。後。厭。棄。其。夫。子。然。獨。居。偶。與。孫。翰。林。倡。和。遂。歸。之。

倉史卷四

東吳王初桐于陽篡述

蘭陵孫星衍淵如校刊

夫婦門四

喪妻

夢見鷓鴣居不雙也婦獨居塔失妻也

彭祖喪四十九妻

莊子妻死箕踞鼓盆而歌

苻融貧妻亡無以殯斂曰古之葬者棄之中野惟妻

子可以行其志但卽土埋藏而已

倉史卷四

薛勤喪妻不哭臨殯曰幸不爲夭折復何恨

扈累喪婦獨居以博爲障施二厨牀食宿其中

潘岳誄楊仲武曰德宮之喪謂喪妻也

王聘之妻謝氏病終既窆忽空中有嗔聲曰何不

挽歌令我寂寂上道耶

晉桓道愍喪婦纏痛無已一夕始寢視屏風上見有

人手驚起炳炬照屏風外乃其婦也愍了不畏懼遂

引共卧問曰卿亡來初無音影今夕那得忽還答曰

新婦今當受生爲人故來與君別也至曉涕泣辭去

愍送至步廊下不見

法苑珠林

有道人能令人與死人相見一人願見婦道人曰可然聞鼓聲當出俄而得見之恩情如生良久聞鼓音婦出壻閉其衣裾戶間裂絕而去後此人死葬開塚見婦棺蓋下有斷裾

搜神記

後魏宋穎妻劉氏亡十五年穎夢見之拜曰新婦今被處分爲高崇妻故來辭君潸然流涕穎曰見崇言之後數日崇卒

北史 魏書及五代新說劉作鄧

隋張崇妻王氏墓銘曰深深送玉鬱鬱埋香

玉溪編

賈客張贈將歸夢炊曰中上者曰君歸不見妻矣曰中炊無釜也賈客歸妻已卒

酉陽雜俎

查史卷四

二

邵南夢崔暇女在一廳中女立牀西暇立牀東執紅箋題詩一首授暇曰莫以貞留妾從他理管絃容華難久駐知得幾多年夢後一歲暇妻卒

續酉陽雜俎

故諫議李行修娶王氏後暴亡李悲慟有秘書衛隨語曰君欲見夫人奚不問稠桑王老至稠桑驛問王老引至坡側曰汝但呼妙子傳語九娘子令見亡妻果至涕泣相見

定命錄

桑乞妻臨終執乞手云我死爲當婚否乞言不忍也

服竟更娶白日見其死婦語之云君先結誓云何負

言以刀割其陽道

異苑

人願見載載人曰

樊若水女才質雙盛愛鍾輻之才而妻之輻入洛中
甲科得意不還攜一女僕曰青箱過蒲城痛飲而卧
青箱侍之是夕夢其妻出一詩爲示怨頗深詩曰楚
水平如練雙雙白鳥飛金陵幾多地一去不言歸夢
中懷愧亦答一詩曰還吳東下過蒲城樓上清風酒
半醒想得到家春欲暮海棠干樹欲凋零旣寢頗厭
之因理歸裝將至采石青箱暴卒匆匆槁葬于一新
墳之側急圖到家則門巷空閨妻已亡數月矣親友
攜至葬所卽青箱槁葬之側新墳也惟海棠數枝方
謝正合詩中之句乃拊膺長慟

江南野錄

菴史卷四

三

常山神祠中題云茶蘼香夢怯春寒翠掩重門燕子
閒敲斷玉釵紅燭冷計程應說到常山此鄭亦山詩
也聞其題詩之夕妻在家亡蓋斷釵識也

環溪詩話

有軍卒妻生子未周死旣殯葬輒夜歸乳其子卒與
語則不應如是比夜而至卒懼且疑曰是未必果亡
妻或鬼物所爲不去必害兒乃密置刃席下是夜復
至舉刃逆之應手而滅明旦視血蹤尋至妻墓有屍
伏于冢上屍之狀貌衣服宛然亡妻也發冢驗之棺

空無物

駢事志

姚氏兄弟同居弟婦卒弟獨與小兒同室處焉家人

聞其室中夜與婦人笑語兄意其召外婦人也責之
弟曰夜所與言者亡婦耳兄詢其故則曰婦喪踰月
卽夜叩門曰我念兒無乳至此因開門納之果亡婦
遂徑登榻接取兒乳之自是數來兄乃持大刀夜伏
于門左果有挑門而入者兄盡力刺之大呼而去巨
視之流血塗地兄弟共尋血蹤至墓所則弟婦屍橫
墓外而死矣開其墓惟空棺耳

鐵圍山叢談

劉元素內子朱賢善事其夫元素作柳眼詩云青眼
初垂已可知精神渾在豔陽時只因嫁得東君後兩
淚相看是別離後數日妻亡蓋詩讖也

竹坡詩話

奩兒卷四

四

李山甫妻亡踰月所居樓梯忽輒有聲少焉妻至
李初疑怖至則忘之矣語笑就枕若平生歡曉去夕
來久之李謀復娶妻遂泣別

夷堅志

某官妻死旣再娶矣一日亡妻見形如平生某執其
手則堅冷如水鐵火之後妻忽夢其先祖云汝夫前
妻爲恠乃陰府失收耳今已捕獲

清尊錄

江西宋氏女美而文嫁鄧公輔有子矣而女卒臨絕
訣鄧詩曰崑山片玉本無瑕女子生來願有家誰料
中途妾薄命莫教兒子衣蘆化

焦氏說楮

嘉定一民家婦平日未嘗作詩臨終書一絕與其夫

悽惋可誦當時二入到君家尺素無成愧臬麻今日
對君無別語莫教兒子衣蘆花

六語

楊筠湄締婚劉氏未娶而劉天筠湄書齋夜讀有垂
髻女子碧襦紅裳含笑歛尸曰妾郎君之婦劉氏也
良耦未諧早歸泉壤誼托絲蘿理無幽顯不憚遠叩
書幃以成委身之願筠湄遽近擁之貞體宛然自此
及夕卽來踰歲乃絕

狐贖

而實自吾妻故不來

穀城葛生娶妻江氏琴瑟甚篤妻邁疾卒葛朝暮悲
思一夕聞窓外彈指聲問之曰妾江氏也感君悼念
願與作幽會耳遂續舊好嗣是每夕必至約載餘忽

查史卷四

五

悲啼不止曰君新婚伊邇妾從此永訣矣次日果有
媒者來而江之踪跡絕

長水曰抄

江天出與吾妻念

施閨章夢一女子辭別閨章母手抽其髻上簪授閨
章曰此女簪有斷痕閨章覺而嘆曰吾妻殆不永矣
月餘而妻卒

學餘堂文集

卷之四

苟粲常謂婦人才智不足論宜以色爲主聞曹洪女
有色聘焉容服帷帳甚麗專房歡宴後婦病亡傳
往唁粲不哭而神傷嘏曰子之娶也遺才而好色此
亦易遇何哀之甚粲曰佳人難再得逝者有傾城之
色未可謂之易遇痛悼不已歲餘亦卒

荀粲別傳

劉實喪妻爲廬杖之制

晉書

王龔妻亡與諸子並持杖行服

羣書鈞元

孫楚妻亡除服作詩示王武子武子曰未知文生于

情情生于文覽之悽然增伉儷之重

經外雜抄

侍御武君喪配斂其遺服櫛珥擊悅于篋月十五日

則一出陳之抱嬰兒以泣

韓昌黎集

沈亞之夢入秦秦公幼女弄玉壻蕭史先死公使亞
之尚公主館居亞之于翠微宮宮人呼爲沈郎院後
一年公主無疾忽卒公追傷不已命亞之作挽歌應
教立成亞之將去秦公復命至翠微宮與公主侍人

奩兒卷四

六

別時見珠翠遺碎青階下
摠紗檀點依然侍人泣對

亞之亞之感咽良久

夢遊錄

劉庭式娶瞽女後瞽女死逾年庭式哀不衰蘇軾問
曰哀生于愛愛生于色今君愛何從生哀何從出乎
庭式曰吾知喪吾妻而已

東都事畧

沈存中晚娶張氏嘗被篦楚拔其鬢髮血肉狼籍及

張氏死存中神氣索莫月餘亦卒

蓉槎蠶說

潘岳悼亡詩云望廬思其人入室想所歷又云翰墨

有餘迹又云遺挂猶在壁又云長簾竟空床

潘黃門集

元稹喪妻韋蕙叢作遣恨詩三首有云衣裳已施行

看盡針線猶存未忍開 元氏長慶集

蘇軾詩哀哉魏成君宿草荒新墓魏成君公配王夫

人也 東坡詩注

李元膺喪妻作茶瓶兒詞悼之元膺尋亦卒 冷齋夜話

傅若金妻孫蕙蘭工詩傅集中湘臯煙草綠紛紛淚

灑東風憶細君蓋悼亡作也 清江集

于謙悼夫人董氏詩十一首有云燈昏羅幙通宵雨

花謝雕闌驀地風 節庵存稿

梁龕明日當降婦服今日請客奏妓司直奏之奪俸

一月 晉書

奩史卷四

七

衛寬夫妻死再娶前妻現形為崇 玉芝堂談薈

不再娶曰不開賸路 公羊傳注

曾參喪妻不更娶人問之曰以華元善也漢王駿妻

死不更娶或問之駿曰德非曾參子非華元何敢再

娶管寧妻卒知故勸再娶寧曰每省曾子王駿之言

意常嘉之豈違本心 韓詩外傳

蜀川張尉之妻死而再生復為夫婦 仙傳拾遺

李強名妻崔氏暴疾卒忽見夢曰吾命未合絕但形

已敗帝命天鼠為吾生肌膚待七七日盡則生矣果

有白鼠出入殯所發其柩有肉焉積四十九日妻則

蘇允妻素美麗及再生美倍于前

江湖紀聞

康熙戊寅松江村人之妻病死越日復生聽其語則嘉興土音也曰吾何爲至此吾乃嘉興某姓之女年十七尚未適人此非吾家也慟哭求歸舉家驚異其夫試往嘉興察之果有某家女新死遂語其故其兄隨至松視之女相見悲喜述父母年歲并居室篋笥服飾之類無不吻合懇與其兄歸家衆以爲不可遂公議留之仍爲夫婦焉

述異記

濟寧王姓者與衆進香武當山妻亦欲往夫以道遠艱費難之妻恚而自縊夫驚懼言于衆衆置櫬殮之

奩史卷四

八

仍行比至河南忽見其妻在路旁大樹下坐憩以爲鬼也妻曰昨以衆行期稍遲故先行至此相候今當同行胡爲鬼耶遂偕行途中起居飲食無異及歸家指櫬示之曰爾不死所殮者何人妻曰吾實不死曷開視之開視乃空棺耳

池北偶談

唐子昇妻鄭氏無疾而終臨卒時告子昇曰不離君之身後十八年更與君爲親已而子昇年近七十再娶于崔氏多省前生之事後產一男

獨異志

劉立爲長葛尉其妻楊氏忽一日泣謂立曰我當死以小女美美爲托其夕楊氏卒立罷官寓居長葛十

餘年有縣令邀立往郭外看花令立先去舍趙長官
莊見杏園中婦女數輩內一女年十五六近敗垣間
窺立立入門主人移時方出曰適女子與親族看花
忽中暴疾所以失迎坐未定有一青衣與趙耳語趙
起入內立聞趙嗟嘆聲乃問立曰君前婚楊氏乎曰
然有女名美美乎曰然趙曰女適暴卒而蘇自言前
身乃公之妻適窺見公不覺悶倒立歔歛久之須臾
縣令亦至衆客俱集趙白其事衆咸異之立曰某今
年尚未高願與小娘子尋隔生之好衆共成之于是
成婚而美美長于母三歲矣

會昌解頤錄

奩史卷四

九

耿愚買一侍婢麗而黠踰年矣立于門外小兒過焉
認以爲母歸告父曰吾母乃在某家時其母死旣祥
矣父往殯所視之見棺已開無屍還家攜兒訪之眞
厥妻也妻與叙別繼以泣語人曰此吾夫小者吾子
也耿怒曰去年買汝時汝本無夫有契約牙儉可驗
乃訴諸官迹其從來昏不省憶但云因行至一橋迷
路爲牙媪引去迫于飢餒故自鬻牙儉所言同遂命
其夫以餘直償耿氏而娶其妻

異聞總錄

元兵破臨川王斥婦與夫約曰吾遇兵必死義不受
污若後娶當告我果被掠死焉越數年夫以無嗣謀

更娶議輒不諧因告其故妻夜夢妻曰我死後生某家今十歲矣後七年當復爲君婦明日遣人聘之一言而合詢其生與婦死年月同

靜齋筆記

京東民家生一女三歲能言曰我工部郎中鄭濂婦也甫能行卽出戶覓鄭居鄭聞而迎之蓋八歲矣重堂邃室皆若素遊籠篋之度香履之存靡不一指點其處鄭以事怪遣之然聞者驚相傳告旋徹內廷上命濂續再世之婚濂辭以年齒甚懸上曰天命也待十三歲而婚濂奉旨屆期成禮伉儷如初

觚牘

靳瑤妻死旣斂火化一日於空曠處見婦人獨行漸

奩史卷四

十

近乃其妻也相持悲慟妻曰我旣被焚今有朱氏女某日當死我當投其體再生君往求婚可再合也至日果聞朱氏死復蘇云我靳瑤妻也瑤因托媒通意父母以告其女女曰此我夫也其家竟以歸之

陔車志

寡婦

夏姬九爲寡婦當之者輒死左傳所載已八人矣一爲后七爲夫人蓋能內使技術老而復少者三字文士及粧臺記序云春秋之初有晉楚之諺曰夏姬得道雞皮三少

續箋山房集畧

黔婁死曾子往弔問何以爲謚黔婁妻曰以康爲謚

巴寡婦清得丹穴而擅其利用財自衛不見侵犯始
皇以為貞婦為築懷清臺史記

孔姥墩昔有孔氏婦寡居有子八人自訓以義方漢
哀帝時俱為郡守湖州府志

王江州被害謝夫人婺居會稽太守劉柳聞其名請
與談義夫人素聞劉名亦不自阻乃簪髻素服坐在
帳中劉束襟整帶造于別榻夫人風韻高邁叙致清
雅先及家事慷慨流連徐酬問旨詞理無滯劉退而
嘆曰瞻察言氣使人心形俱服夫人亦云親從凋亡

奩兒卷四

十一

始遇此士聽其所問殊開人心胸何氏語林

杜有道妻嚴氏字憲十八而婺居女韉有淑德傳元
求為繼室憲便許之或曰何鄧執權必為元害亦猶
排山壓卵以湯沃雪耳奈何與之為親憲曰晏等驕
侈必當自敗卵破雪消行自有在晉書

陳遵為河南太守過寡婦左阿君置酒謳歌醉宿司
直陳崇劾奏免歸甘露園長書

衡方厚為董昌齡枉殺方厚妻程氏徒行詣闕截耳
于右銀臺門告夫被殺之寃勅封武昌縣君唐書

遼太祖卒其後述律氏悉召大將難制者之妻謂曰

我今爲寡婦矣汝等豈宜有夫乃殺其大將百餘人

曰可往從先帝

契丹國志

白氏婦於蘇二十而寡嘗於宅東北爲祭室畫東坡

穎濱兩先生像圖黃州龍川故事壁間香火嚴潔躬

自灑掃士大夫求瞻拜者往往過其家奠之

女世說

林邑國寡婦散髮至老

南史

粵西夫死謂之鬼妻人無娶者

睽車志

薄少君妻東沈承妻也承天薄爲詩一百首哭之踰

年值夫忌辰酌酒一慟而卒

名媛詩歸

里婦新寡狂且賂鄰媪挑之夜入其闔闔扉將寢忽

奩史卷四

七

燈光綠黯縮小如豆俄爆然一聲紅焰四射圓如二

尺許大鏡中現人面乃其故夫也男女並噉然仆榻

家人驚視其事遂敗

灤陽銷夏錄

阮元瑜早亡妻寡魏文帝爲作寡婦詩

詩紀

丁廙被誅其妻作寡婦賦文甚淒怨

讀書叢殘

任子咸妻潘岳姨也子咸卒岳爲作寡婦賦

西晉文

陸卿子有寡婦賦

考槃集

陰喻妻荀爽女名采早寡父母強嫁與郭奕奕以詐

疾召采采歸而懷曰刀爽執奪不得已到郭氏僞爲

歡建四燈請其談奕敬憚之及曙奕出采叱左右辨

湯沐浴入室私以粉書扇曰屍還陰氏乃以衣帶自縊而死

後漢書

涼王呂紹被殺其美人張氏年十四有殊色爲尼呂

隆逼之美人升門樓墜地卒

涼州記

魏劉氏適封卓僅成婚一夕卓官於平城坐事死劉

氏在家忽夢夫亡噫鳴經旬及凶問至遂悲傷憤嘆

以死

羣書歸正集

嚴肅溺水死妻袁氏急趨夫溺處尋尸不見遂投水

死兩月餘水退漁人于沙際見二尸同處焉

彙苑

聶舜英適張伯豪伯豪卒歸父家父遇元兵死舜英

倉史卷四

三

素讀書仰天嘆曰吾年方華盛夫亡父殞二天俱傾

若不幸爲兵所污萬穰莫浣矣何如以皎然之軀從

吾父地下父見而夫亦見乎遂絕脰死

女世說補

章瑜死妻傅氏抱屍號泣三日夜不忍入櫬屍有腐

氣猶依屍呵之冀甦旣入棺至嚙其棺成穴及葬投

其身壙中母強挽以出制未百日母欲奪志遂失所

在明日婢汲井見傅氏倒植井中

輟耕錄

魯氏夫誅氏應遣配自誓必死姑曰夫亡改適悠悠

皆是何至此魯氏曰悠悠之爲非妾志也

女世說

許氏適沈同訓三月而寡閉室自縊死家人啓戶視

之面色如生三日內屋宇汗滴如雨

漳浦志

盧佳娘者李廣妻也婚十月廣卒盧慟絕復甦見廣口鼻出惡血悉餌食之既殮遂自經死

福清縣志

謝公明坐誅婦有殊色給配象奴婦給奴曰待我祭亡夫乃從爾奴信之婦攜祭物至武定橋哭奠賦詩云不忍將身配象奴自攜麥飯祭亡夫今朝武定橋頭死一劍清風滿帝都遂伏劍死

說聽

趙哇兒夫病劇哇兒命匠制巨棺夫歿卽自經死同棺歛葬

元史

焦三歿妻易氏給匠人曰吾夫遺衣甚多欲悉置棺

查史卷四

四

中可大其制比殮易乃自經遂同棺葬焉

鄴乘

倪士義與婦楊氏有同穴之誓士義卒楊相地葬之復營一穴于旁命工鑿鴛鴦兩字壙上歸卽自刎遂

合葬焉人稱鴛鴦壙

臚賸

陶嬰夫死守義魯人欲求之作黃鵠歌曰悲夫黃鵠之早寡兮七年不雙窈頸獨宿兮不與衆同夜半悲鳴兮想其故雄魯人遂不復求

列女傳

徐淑夫死毀形不嫁哀痛傷生

史通

郝嘉賓喪婦兄弟欲迎妹還終不肯歸曰生縱不得

與郝郎同室死寧不同穴

世說新語

張彪妻楊氏有容貌彪遇害章昭達便拜稱陳蒨教
迎爲家主楊改啼爲笑欣然意悅請昭達殯彪旣畢
還經彪宅謂昭達曰婦人本在容貌辛苦日久請暫
過宅粧飾昭達許之楊入室便割髮毀面哀哭慟絕
誓不更行 玉唾壺

李德武妻裴氏嘗讀列女傳紀不更嫁者謂人曰不
踐二庭婦人之常安貴而載之書 女世說

鄧廉卒妻李氏守志不二忽夜夢一男子欲求爲偶
李氏睡中不許自後每夜夢見李氏曰吾誓不移節
而爲夢所繞益吾容貌未衰故也乃拔刀截髮垢面

奩兒卷四

五

灰身遂不復夢

朝野僉載

劉長卿妻桓鸞女生一男五歲長卿卒遠嫌不歸寧
男十五而夭乃刑其耳自誓宗婦愍之曰若家無他
意何貴義輕身曰先君五更尊爲帝師男以忠孝女
以貞順是以豫刑以明我情沛相王吉上奏題其門
曰景行義桓 六帖 後漢書作行義桓發

千夫長李某戍天台私調部卒妻郭氏卒拔刀刺李
坐死郭誓死不二持兩幼泣曰汝父行死母亦當死
兒安依終死耳今賣兒於人情豈得已若天祐兒成
歲時以盂酒勺飯酒一杯前則一親不餒矣言訖其

子女亦抱母而號行人皆爲墮淚 山堂瑣語

寡婦淑喪夫守節其兄弟欲逼嫁之淑與書云昔梁

寡不以毀形之病忘執節之義高山景行豈不思齊

計兄弟備托學門不能匡我以道雖曰既學吾謂之

未也 居家必用事類全書

董京起早亡妻張氏獨守貞操終身不沐浴 女世說補

孫義妻姑婦孀居或見其孤苦問何不嫁對曰餓死

事極小失節事極大 慈谿志

蔡文姬適衛仲道夫亡無子歸寧于家值喪亂文姬

没于南匈奴在胡中十二年生二子曹操痛豈無嗣

舊史卷四

去

乃以金璧贖之重嫁董祀 後漢書

扶風馬元正妻尹氏天水人也元正早死其父勸之

嫁尹氏哭指鐵井闌曰此土生花我則再醮三年而

黃芝生于闌上遂嫁爲李嵩繼室尹氏幼好學清辨

有志節以再醮之故三年不言 誠齋雜記

諸葛恢女適庾氏寡誓不重出恢既許江彪乃移家

近之初誑女云宜徙于是家人一時去獨留女在後

不得出江郎暮至女且哭且誓積數宿彪暝入恒在

對床後觀其意稍帖乃詐魘良久不悟聲氣轉急女

呼婢云喚江郎覺彪于是躍來就之曰我魘何預卿

事女嘿然慙情義遂篤

世說新語

京兆韋英卒其妻梁氏不治喪而改嫁仍居英宅英乃白日來歸乘馬將數人至於庭前呼曰阿梁卿忘我也梁氏惶懼舍宅爲開善寺

洛陽伽藍記

余媚娘才婦也適周氏夫亡以介潔自守陸希聲時爲正郎聞其容美而善書巧智無比使行人中善言者媒游說之媚娘曰陸郎中必得兒侍巾櫛須立誓不置側室及女奴則可希聲諾之既娶二年劈牋沫墨更唱迭和甚相愛也無何希聲又獲名姬柳薜英媚娘怨之諭令入家同處希聲以爲誠然既共居畧

奩史卷四

七

無他說希聲他適卽召薜英閉室中手刃殺之碎其肌體盛以二大合封題云送物歸別墅聞吏異之送京兆獄媚娘遂就極典

續補侍兒小名錄

宋世名家不以再嫁爲恥如范文正幼隨其母改適長山朱氏名朱說其長子純佑與王陶爲儕壻純佑卒陶妻亦亡陶遂再婚范氏長姨

香祖筆記

華亭有民其母再醮生一子及母死二子爭葬質之官判云生前再醮終無戀子之情死後歸墳難見先天之面令後子收葬

東皇雜記

吳有婦人卮嫁二夫夫復死又將再醮士人嘲詩云

辭靈羹飯哭金錢哭出先天與後天明曰洞房花燭
夜三天門下會神仙七修類稿

以異姓配寡婦曰接脚夫事物紺珠

紫薑苗夫死則妻嫁而後葬曰喪有主矣尚谿織志

再嫁曰媾書叙指南

附錄

廣中僧有室家者謂之火宅僧番禺雜記

相國寺比丘澄暉以艷倡爲妻一少年踵門願參梵

嫂暉難之凌晨見院牌書勅賜雙飛之寺清異錄

河西僧人有有妻者元史

奩史卷四

元時僧妻呼曰房老在園雜志

僧妻有不作女粧者衣冠悉與僧同西事理

陝安邊郡山中僧人俱有室家云深山中恐藏姦兇

有妻子則有家累盜賊亦無可容故也言僑

南方蠻以女配僧曰師娘有師娘者方許住庵投荒雜錄

僧娶妻者不得居寺雞林記

虛度闍官娶美婦義山雜纂

高公妻呂氏故刺史元悟之女躬行婦道高力士傳

宦官有權位者則得娶婦劉喻傳常侍黃門亦廣妻

妾周舉傳暨宦亦復取良家女爲妻單超傳四侯轉

橫多取良人美女以為姬妾

言備

宣廟賜太監王瑾夫人二人正統中太監王義死命

寧喜視其家因掩有其財義妻馬氏奉之成化中太

監龍閨娶方瑛妾許氏為妻

弁山堂別集

宣德中賜太監陳蕪兩夫人天順初賜太監吳誠妻

見水東日記予按李輔國傳帝為娶元擢女為其妻

朱子語類梁師成妻死蘇叔黨范溫皆長經臨哭由

是觀之極人有妻古今所同也

雙槐歲抄

奩史卷四

九

奩史卷四

夫史也

言餘

夫史也

奩史卷五

東吳王初桐于陽篡述

南豐譚光祥退齋校刊

婚姻門一

婚姻

婚者昏時行禮姻者婦人因夫

白虎通 後漢書注 妻父曰婚 婿父曰姻

冰泮逆女蓋發生之時合婚姻也

荀子注

蛾為婦女夢見蛾者憂婚也

夢書

午時面熱主有婚姻喜事

夢書大全

夢蟹主婚姻難成

夢林元解

奩史卷五

一

耳熱占酉時主女子婚事

百怪斷經

韓詩文丁夫壬傳世婚注元冥之子曰壬夫娶祝融

之女曰丁芊俱學水仙是為溫泉之神今星命家以

丁壬為淫合其說亦古矣

丹鉛總錄

俗以子午卯酉為當梁年嫁娶最忌張華少孤貧鄉

人劉毅奇其才以女妻焉張著感婚賦云彼婚姻之

俗忌惡當梁之在年

言歸

朱陳村一村惟兩姓互為婚姻

潛確類書

吳郡有婚姻墩背有女子送葬道逢書生於此各以

目相挑後成婚姻故以為名

真率齋筆記

郁穆舊婚媾婉新媾皆和美之稱 海錄碎事

凡男女締姻者兩家相謂曰親家親字去聲盧綸作

王駝馬花燭詩云人主人臣是親家 輟耕錄

番俗男女成婚曰牽手 番社采風圖

顏氏有三女叔梁紇求婚父問曰誰能事之小女徵

在曰從父所制遂以歸紇 列女傳

楊雍伯盧龍人有人與石子種之生白璧數雙北平

徐氏有女雍伯欲求婚徐謂媒者曰得白璧一雙可

矣雍伯送白璧五雙遂婿徐氏數年雲龍下迎夫婦

俱昇天今謂所居為玉田坊 仙傳拾遺

奮兒卷五

二

孫破虜吳夫人早失父母孫堅聞其才貌欲娶之吳

氏將拒焉夫人曰何愛一女以取禍乎 書隱叢說

李郢聞鄰女有容求娶之遇有爭娶者女家曰備錢

百萬先至者許之兩家之錢同日至女家無以為辭

復曰請各賦一詩以為優劣郢乃得之 唐詩英華注

盧徹女有幽閨之德馬暢求之卜曰祥女入門媪御

皆喜公姑皆賀 唐類函

欲求婦者取雄雞兩毛燒著酒中飲之所求必得用

戊子日此是天地合日故必得 雜五行書

高季迪年十八未娶婦翁周建仲出蘆雁圖命題季

迪賦曰西風吹折荻花枝好鳥飛來羽翮垂沙澗水
寒魚不見滿身風露立多時翁曰是將求室也撰吉
日以女妻焉

蓬軒雜記

邱文莊少時其父爲求配于黎氏黎不許公作情麗
集言黎女失身幸輅幸輅廣人呼狗音也

聽雨增記

賈復死光武聞其婦有孕曰生女我子娶之生男我
女嫁之

東觀漢記

魏相選裴寬爲婿而魏徙嶺表女已踰笄須下髮爲
尼有一尼自外至曰女福豐厚必有令匹宜北歸及
荆裴賁裝以迎矣

柳玳家訓

奩只卷五

三

盧遐王慧龍妻皆崔浩女也皆孕浩曰可指腹爲昏

北史

韋放與張率皆有側室懷孕因指腹爲昏

南史

解縉胡廣兩家皆有孕成祖命指腹爲婚縉生子廣
生女上與之定聘後縉死于獄子戍邊廣欲離婚其
女斷髮自誓曰薄命之婚上所定也誰敢易之及縉
子遇赦還遂爲夫婦

明語林

張起潛夫人劉氏在室時有議姻非其族者父以貧
故將許之夫人對月而泣月英射人忽見桂樹浮空
森發丹葩翠葉諦視愈真久之乃滅

梅花草堂筆談

那馬婚娶最早有子甫離襁褓卽爲畢姻者廣西通志

顧協少時聘舅女未婚而協母亡免喪後不復娶年

六十餘此女猶未他適協義而迎之榴園管測

顏延年行年三十猶未婚南史

展九年將知命妃匹未定各助錢以成婚李固助婚教

唐鄭致雍未第求婚於白州崔相遠初許而崔門有

禍女入宮至梁開平中女托疾出本家致雍復續舊

好親迎之禮無闕女世說補 韓固韓志

金之始祖函普年六十餘居完顏部部有賢女年六

十而未嫁部人以賢女配始祖金史

奩史卷五

四

倪氏女許聘陳敏陳從軍不返誤以死聞倪矢志不

嫁越五十載而夫歸始成姻禮女年六十一夫年六

十八兩人霜雪盈頭人號白頭花燭曠園雜志

女子四十九陰絕男子六十四陽絕過此爲婚爲野

合叔梁紇過六十四娶顏氏少女故曰野合天祿識餘

魏夏侯曹氏世爲婚姻魏書評

潘岳作楊仲玉誄曰潘楊之睦有自來矣蓋潘楊世

爲婚姻也北堂書抄

鄭崇本高密大族世與王家相嫁娶檢蠹隨筆

羊鄧世婚海錄碎事

劉范世爲婚姻 桐陰舊話

亳州出輕紗一州惟兩家能織相與世世爲婚懼他人家得其法也 老學菴筆記

瑤卿嘗代人撰婚書中有云旣爲管鮑之交復結陳

雷之好客曰管鮑陳雷俱朋友故事不傷於合掌乎

答曰陳雷世世爲婚姻若朱陳也 戊辰雜抄

白敏中始娶已朱紫矣戲其妻曰接脚夫人 真如子醒言

李象登第劉昫以猶女妻之 觀生手鏡

裴筠婚蕭安女問名未幾便擢第羅隱詩曰細看月

輪還有意定知青桂近嫦娥 撫言

奩史卷五

五

蔡君謨娶葛常之祖姑清源君已而赴漳南幕常之

會祖贈詩曰藻思舊傳青管夢哲科新試碧雞才乍

依仲寶蓮花幕更下溫郎玉鏡臺 藝圃琳瑯

盧儲投卷謁李翱尚書翱置於几案間長女及笄見

文尋繹數四謂小青衣曰此人必爲狀頭李聞之乃

納爲婿來年果狀頭及第過殿試徑赴佳期作催粧

詩曰昔年將去玉京遊第一仙人許狀頭今日已成

秦晉會早教鸞鳳下粧樓 南部新書

阮逸娶富家女房縉三千 甲申雜記

趙元淑家徒壁立時長安富人宗連有季女慧而有

色連爲求賢夫乃與元淑連送奴婢二十口良馬十
餘匹加以縑帛錦綺及金寶珍玩元淑遂爲富人

冊府

鄒鳳家巨富嘗因嫁女邀請朝士往臨禮席備極華
麗及女郎將出侍婢圍繞綺羅珠翠垂曳履釵尤艷
麗者至數百人衆皆不知誰是新婦

獨異志

漢戴良有五女家貧每有求婚輒便許嫁練裳布被
竹筍木屐而遣之

蘇氏家語

晉阮循年三十未有室王敦等斂錢與婚皆名士也
時慕之者求入錢而不得

何氏語林

奩史卷五

六

吳隱之將嫁女謝石知其貧令移廚帳就其家經營
使者至方見婢牽犬賣之此外蕭然無辦

佳言玉屑

史癡翁女旣笄婚貧不能娶與婿期元夜略具隻雞
斗酒我當過飲至元夜誑其妻女觀燈攜送至婿家
留其女一笑而別

靜志居詩話

侯景請娶於王謝上曰王謝門高非偶可於朱張以
下訪之

資治通鑑

關東人與崔盧婚者輒自矜大

時習新知

李敬之三娶皆山東舊族

合璧事類

張說好求山東婚姻與張氏親者皆甲門四姓

國史補

宋若昭以學名家不屑與寒鄉凡裔爲對

六帖

高宗朝以王盧鄭二崔二李七姓恃其族望恥與他姓爲婚乃禁其自姻娶於是不敢復行婚禮飾其女以送夫家

桂苑叢談

鄭德楸嘗獨乘馬逢一婢馬前拜云崔夫人奉迎鄭郎鄭愕然婢曰夫人小女頗有容質且以清門令族宜相配敵俄有黃衣蒼頭至曰夫人趣郎迫輒控馬疾行奄至一處婢引鄭郎入館宇甚盛夫人著青羅裙年將四十姿容可愛侍婢八九皆鮮整鄭趨詣再拜夫人曰以鄭郎甲族美才願托姻婭鄭唯唯夫人

奩兒卷五

七

命引鄭郎升堂堂上悉以花鬪薦地左右施豹脚床七寶屏風黃金屈膝門垂碧箔銀鈎珠絡長筵列饌皆極豐潔其酒以銀樽貯之可三斗餘琥珀色酌以金盃侍婢行酒味極甘馥向暮一婢前白女郎粧訖乃命引鄭就帳女年十四五姿色甚麗目所未覩被服粲麗冠絕當時鄭遂欣然成禮女善彈箜篌曲詞新異越百餘日鄭謂女曰可得同歸乎女慘然曰幸托契會得事中櫛然幽冥理隔不遂如何因涕泣交下鄭審其怪異乃謂夫人曰家中相思乞賜還夫人乃大燕會與別曰後三年當相迎也鄭因拜辭婦揮

淚悲悅以視體紅衫及金釵一雙贈別曰若未相忘以此爲念鄭出門倏忽到家家奴云家中失君已一年矣視其所贈皆真物也鄭尋其故處惟有大墳旁有小冢乃崔夫人及女郎墓也後三年見前婢乘車來迎鄭暴卒

宣室志

山東士人多尚閹閹後雖衰其子孫猶負世望凡嫁娶必多邀錢幣謂之賣婚

唐書

張敷尚帝姊魯元公主有女呂太后欲爲重親以公主女配帝爲皇后

漢書

劉璋妻乃費觀之族姑璋又以女妻觀

合璧事類

奩史卷五

八

劉無雙者劉震之女震甥王仙客父亡與母同歸外氏無雙與仙客皆幼稚戲弄相狎震姊疾且重召震約無雙與其子爲婚及姊卒仙客奉喪歸葬服闋飾裝抵京師時震爲尚書租庸使門館赫奕仙客又於牕隙間窺見無雙姿質明艷若神仙中人仙客惟恐姻事不諧遂嚮囊橐得錢數百萬遇舅母生日市新竒以獻雕鏤犀玉以爲首飾舅母大喜仙客乃令老嫗以求親之事聞於舅母舅母曰是我所願也卽當議其事忽值涇源兵亂天子出苑震令仙客先奔而已以妻女續至無何震爲門司所識不肯放出至京

闕尅復後仙客訪舅氏消息忽見舊使蒼頭塞鴻乃知尚書授僞命官與夫人皆處極刑無雙已入掖庭矣惟無雙所使婢採蘋在金吾將軍宅仙客哀號欲紀卽納厚價以贖採蘋後仙客爲富平縣尹累月忽有使押領內家三十人往園陵備洒掃宿長樂驛無雙在焉羶車子十乘下訖仙客令塞鴻假爲驛吏烹茗於簾外至夜深聞簾下有呼塞鴻聲者則無雙也嗚咽問郎君健否因囑塞鴻明日於東北舍閣子中紫纒下取書送郎君明日塞鴻果得書送仙客花牋五幅皆無雙真跡詞理哀切敘述周盡書後有云常

奩史卷五

九

見敕使說富平縣古押衙人間有心人今能求之否仙客遂訪古押衙奉之一年繪綵寶玉之贈不可勝絕古生叩之仙客以實告越數日古生往問仙客曰宅中有女家人識無雙否仙客取採蘋與之一夕更深聞扣門甚急乃古生也領一篋子入謂仙客曰此無雙也今死矣後日當活仙客抱入閣子中獨守之至明遍體有煖氣微灌湯藥遂活古生謂仙客曰比聞茅山道士有藥服之立死三日却活某使人求得一九昨令採蘋假作中使以無雙逆黨賜此藥令自蓋至陵下托以親故百練贖其屍事恐漏泄老夫當

爲郎自刎郎君亦不得更居此言訖舉刃仙容救之
頭已落矣仙容乃歸襄鄧與無雙偕老

劉無雙傳

蘇洵女好學能文適其母之兄子程之才

嘉祐集

姑舅兄弟爲婚在禮法不禁惟西魏文帝時禁中外
及從母兄弟姊妹爲婚周武帝又詔不得娶母同姓
以爲妻妾宣帝詔母族絕服外者聽婚皆偏聞之制
容齋隨筆 魏袁淮正論曰中外之親不可相婚

溫嶠之玉鏡臺此以舅之子娶姑之女也呂榮公夫
人張氏卽榮公母申國夫人之姊之女此以小姨之
子娶大姨之女也

朱善婚姻議

奩史卷五

十

崔浩弟娶李順女又以弟子娶順女二門婚媾

魏書

馬融從擊恂遊學博通經籍恂以女妻之

後漢書

鮑宣妻桓少君宣嘗就少君父學父以女妻之

東觀漢記

李漢少事韓愈辱知最厚愈以女妻之

藻軒間錄

葛洪好神仙師事鮑元元以女妻洪

霞外塵談

劉聰取劉殷女本非同姓也若劉孝武納叔父義宣
之女而改姓可恥矣

宛委餘編

李德裕卒於崖州子孫遂爲獠族自相婚配

漱石間談

陳友諒亡二子諱睿逃入深洞自相婚配

明紀遺聞

夫餘國妻以宗女

魏志

林邑國謂大姓爲婆羅門同姓還相婚姻南史

多摩國婚姻無同姓之別唐書

秦州囉哩戶自相婚姻秦襄毅公年譜

高麗王生女以妻兄弟言王姬不當下嫁也雞林類事

蠻中有舉洞純一姓者婚姻不以為嫌桂海虞衡志

王基為子納王沉女以姓同源異故也魏氏春秋

朱韞斯誤娶同姓後覺得欲去其婦吳志伊曰王莽

與王所聯姻劉疇與劉嘏為婚非同原也今世說

任薛王劉崔盧之婚非古也何以眡譜注任薛出黃

帝王劉出舜崔盧出帝嚳文中子

奩只卷五

劉頌嫁女於陳矯矯本劉氏子與頌近親出養于姑

改媵陳氏人或譏之孔氏雜說

崔巨倫姊明慧有才行因患眇一目內外親族莫有

求者巨倫姑乃為子翼納之北史

孫秦姨老以二女為託曰長女損一目汝可妻其女

弟姨卒取其姊或詰之曰廢疾女非秦何適據言

呂君聘里中女未行既中第婦家言曰吾女盲敢辭

呂君曰既聘而後盲又何辭后山叢談

劉廷式與鄰翁之女約為婚契濶數年廷式登第歸

鄰翁已死女病雙瞽廷式使人申前好女家辭以疾

廷式曰與翁有約卒與成婚

夢溪筆談

周恭叔早年登科勿議母黨之女登科後其女雙瞽

遂娶焉愛過常人

尹氏言行錄

鄭叔通幼聘夏氏女及長登第而女病啞或勸別娶

叔通曰未啞定婚啞而棄之不太忍乎

樂善錄

齊何點隱居絕婚何尚之強爲娶任氏點涕泣求執

本心既老又娶孔嗣女雖昏亦不與妻相見別字以

處之人莫諭其意張融爲詩嘲之曰惜哉何處士薄

暮邁荒淫

南史

晉摯虞貽新婚箴於潘岳潘岳答之

山堂肆考

奩史卷五

三

呂祖謙新婚一月不出閨房人笑而戲焉及出則東

萊博議一編成矣

東萊博議跋

鄭軌咏兄弟同婚云棠棣開雙蓼天桃照雨花今宵

二神女併在一仙家

棗林藝賞

崔浩娶郭逸女逸妻王氏每奇浩才自矜得婿俄女

亡王氏深爲傷恨復以少女續婚

女世說

馮左藏娶張顯女早世女臨終曰吾妹慈惠可撫諸

孤遂娶之

唐類函

後主小周后昭惠后妹也昭惠后卒立小周后爲繼

室被寵過於昭惠

陸游南唐書

昭惠后姐小周后已在禁中後主詞有劉襪步香階
手提金縷鞋至綉后乃成禮而已

馬令南唐書

齊王張全義鎮河陽見李講肅愛其俊異以女妻之
卽賢懿夫人所生王之適女也數歲而亡又以宅姬
所生之女妻之雖非賢懿所出以其聰敏多伎藝王
與賢懿惜憐之過於其姊音樂女工無不臻妙知書
容止殆神仙中人也性賢明有禮節自幼至老無惰
容夫貴封清河郡夫人

洛陽指紳舊聞記

李行脩娶王仲舒女其後女亡行脩夢女曰納小妹
則妾幸矣李遂續王氏婚

合璧事類

奩史卷五

三

劉昱娶趙晃長女早亡而趙氏猶有二妹皆未適人
旣而劉公登科晃捐館夫人復欲妻之使媒妁通意
劉曰若云武有之德則不敢爲姻如言禹別之州則
庶可從命益不欲七姨而欲九姨也夫人諾曰諺云
薄餅從上揭劉郎纔及第豈得便揀點人家女劉曰
非敢有擇但七姨骨相寒薄遂娶九姨

青箱雜記

歐陽修與王拱辰同爲薛簡肅公子婿文忠公先娶

長女王拱辰娶次女後文忠再娶其妹故有舊女婿

爲新女婿大姨夫作小姨夫之戲

碧溪詩話

宋薛簡肅公五女長適張竒次喬易從次王拱辰次

歐陽公次又適拱辰載于公墓文甚明而詩話等書皆稱歐陽公兩爲簡肅公壻謬甚矣

野客叢書

呂東萊妻韓氏卽韓无咎長女也早亡无咎復以次

女配呂

宋學士集妻呂祖謙

韓澆澗泉日記曰先公以兩女

劉原父再婚歐公以詩戲之云洞裡桃花莫相笑劉

耶今是老劉耶

西清詩話

景公有愛女請嫁于晏子晏子辭

晏子春秋

荀羨擬國婚之選不欲連姻帝室乃遠遁

荀氏家傳

白敏中欲以侯温爲壻妻盧氏曰已旣姓白又以侯

氏子爲壻必爲人呼作白侯耳乃止

洛陽搢紳舊聞記

奩兒卷五

齒

鄂帥李公將以愛女妻高越越不告而去

南唐近事

今人於榜下擇壻號鸞壻一新貴少年有風姿爲貴

族所慕命數僕擁致其第旣至觀者如堵須臾有衣

金紫者出曰某惟一女亦不至醜陋願配君子可乎

少年鞠躬謝曰寒微得托迹高門固幸待歸家試與

妻子商量如何衆皆大笑而散

趣齋間覽

馮京自鄉選至廷對俱第一張堯佐欲妻以女使擁

入其家示以奩具甚厚京力辭之

夢溪筆談

玉娘字若瓊松陽女子也生有殊色敏惠絕倫及笄

字沈生佺與玉娘爲中表未幾張父有違言佺與玉

娘私相結納不忍背負佗疾革張折簡于沈以死矢
之沈噓唏長潛遂瞑以死張托疾隱几忽燭影下見
沈郎屬曰若瓊宜自重幸不寒夙盟固所願也張泣
曰所不與沈郎者有如此燭語絕不見張悲絕从乃
甦曰郎舍我乎遂得陰疾以卒父媪哀其志與沈合
窆于附郭之楓林

王詔張玉娘傳

萊州閭瀾與柳某善有腹婚之約及誕閭得男曰自
珍柳得女曰鸞英遂結夙契柳仕至布政而瀾止歲
貢以死家貧不能娶柳欲背盟鸞英泣告其母以死
自誓母白于父父佯應之鸞英度父終渝此盟乃密

齋史卷五

五

懇隣媪往告自珍妾有私蓄請以某日至後圃持歸
姻事可成遲則爲他人先矣自珍聞之喜甚遂與其
師之子劉江劉海言之江海設酒賀自珍醉之于學
舍兄弟如期詣柳氏鸞英倚圃門以望以物付之而
小婢識非自珍曰此劉氏子也鸞英詈曰狗奴何以
詐取吾財速還則已否則告官江海恐事洩遂殺鸞
英及婢而去自珍夜半醉醒悔失約急詣柳氏黑夜
直入圃中踐血屍而躡嗅之腥氣懼而歸衣履沾血
達曙柳氏覺女被殺而不知主名官爲遍詢隣媪遂
首女約自珍至血衣尚在不容置辯論死會御史出

巡至郡夢一女子泣曰妾柳鸞英身爲賊劉江劉海所殺反坐吾夫幸公哀辯此獄妾死不朽明且召問自珍自珍具述江海留飲事卽捕二兇訊之叩頭具服誅于市而釋自珍爲女建坊以表之自珍後登鄉薦人作釵釧傳奇

湖海搜奇

南昌李喬授徒于湖廣聘段氏女嘉靖壬午喬歸應試欲娶女偕歸而段婦忽中變謂喬固窶人失館卽飢矣奈何捨愛女適他省又不可背盟遂以贖女與之喬歸鄉會聯捷官刑部久之擢守成都便道還鄉過湖省餽遺段父母甚厚而爲禮亦甚恭段女適蕭

查史卷五

六

姓子敗蕩日貧而羨賈者擁高華膺官誥鬱鬱病卒

雨窓雜錄

晉盧充獵見一麀逐之不覺遠忽見里門如府舍充前問之門者曰少府也充便進見少府展姓名酒炙數行崔曰近得尊府君書爲君索小女婿故相延耳卽舉書示充充見父手迹便歛歔無辭崔卽款內令女郎莊嚴與充共拜爲夫婦三日見崔崔曰君可歸矣女有娠生男當以相還生女當留自養送至門執手零涕復致衣一襲被褥一副充上車去如電追須臾至家家人推問知入崔少府幕懊惋而已居四年

三月三日臨水戲忽見二犢車乍浮乍沒既上岸見崔氏女與三歲男兒共載其後車則少府也充往問訊女抱兒還充又與金盃并贈詩曰煌煌靈芝質光麗何猗猗華艷當時顯嘉異表神奇含英未及秀中夏羅霜萎榮曜長幽滅世路永無施不悟陰陽運哲人忽來儀會淺離別速皆由靈與祇何以贈與親金盃可願兒愛恩從此別斷絕傷肝脾充取兒盃及詩忽不見二車處將兒還四坐謂是鬼魅僉遙吐之形如故問兒誰是汝父逕就充懷衆初怪惡傳省其詩慨然嘆死生之元通也充詣市賣盃高舉其價不欲

奩史卷五

七

速售冀有識者歛有一老婢問充得盃之由還報女之姨姨曰我甥崔少府女未嫁而亡以金梳著棺中女字温休温休蓋幽婚也其兆先彰矣

孔氏志怪

唐獨孤穆遠祖盛爲隋將殉難江都後穆投大儀宿爲一青衣導至一所見一女年可十三四姿韻絕麗自謂隋清河縣主備述盛與已罵賊先後殉難狀且贈穆長篇有曰君子秉祖德方垂忠烈名求義若可托誰能抱幽貞吟竟嗚咽不自勝有言獨孤冠冕盛族宜爲佳偶者女曰本以獨孤忠烈家欲一見吐幽憤耳豈可以塵土之質相污穆因咏云求義若可托

誰能抱幽貞女微笑曰亦大強記遂爲羣婢送入卧

內如人間儀

正思齋雜記

劉曠晝眠聞有女郎颯然至自說東海何氏八歲而夭于今十歲應爲君妻故來修好智瓊杜蘭香咸我曹也婢名採薇奴名邊羅

續補侍兒小名錄

嘉靖甲子福清韓夢雲過石湖山見遺幣哀而掩之是夜宿書舍一童子欵扉投刺曰娘子奉謁俄有麗人立燈下歛衽載拜謝掩骼之事問其家世曰楚人也姓王氏名秋英字澹容元至正間從父之任遇寇石湖山投崖而死今得與君遇亦夙緣也遂薦枕蓆

奩史卷五

七

生還家英復遣童子遺詩于生明年寒食生攜雞黍奠英墓上少頃英至藉草痛飲謂生曰妾懷君之子將免身矣當食以生人乳少許乃可育於人間也請從君而歸乙丑四月果產一子生覓人乳食之矣復謂生曰神奇之事人多駭焉兒育于君恐不便妾當歸楚寄兒楚人後十八年圖相見也遂將兒擘瓦升屋而去萬歷壬午遺書招生曰兒寄湘陰朱黃橋家亟往覓之生遂抵湘陰叩朱氏朱氏言歲乙丑有神女扣門以白布裹兒題血書曰閩人韓夢雲子後十八年當來君其是乎父子抱持慟哭遂更韓姓將發

英復至偕歸閩踰年別生曰緣盡矣揮淚而逝

榕陰新檢

晉廣州太守馮孝將兒名馬子夜夢女子年十八九言是前太守徐立方女不幸早亡却應爲君妻既覺見床前地髮髯如人初與地平漸漸額出次頭面出又次肩項形體盡出容態言語奇妙非常遂與寢息每誠云我尚虛爾得本命生日當出乃具教馬子出已之方法而去馬子至日掘棺開視女體貌如生徐徐抱出著氈帳中養護之兩眼始開漸能語漸能行人之顏色肌膚氣力悉復常乃遣報徐氏選吉日下禮聘爲夫婦

續搜神記

奩史卷五

九

有士人寓迹三衢佛寺忽有女子夜入其室士人惑之自此比夜而至居月餘士人詰之女子曰我實非人然亦非鬼乃前郡倅馬公之女小字絢娘死于公廨今將還生得接燕寢之乂體已甦矣君可具斤錘夜密發棺我懵然如熟寐君但逼耳連呼我小字當微開目卽擁致卧榻飲之醇酒放令安寢既寤卽復生矣君能從之誓終身奉箕箒士人如其言果再生女曰此不可居脫金握臂俾士人辦裝與俱遁去轉徙湖湘間數年生二子其後馬倅來衢遷葬此女視殯已損棺空無物大驚聞官逮僧鞠之并逮士人女

以書寄父，父得書，真其亡女筆札。遣老僕往視，果其
亡女。

癸車志

賈雲華，魏鵬妻也。初，雲華之母與鵬母有指腹之約。後鵬謁賈，命女結爲兄妹。不及前盟，兩人因私自定情。後鵬以母喪歸，女鬱鬱死。二年後，有宋子璧女暴卒，復甦，自言賈平章女，借屍還魂，以告賈，遂歸鵬焉。

唱隨集

奩史卷五

二十

